

19
D E N O V A
HIPPOCRATIS
EDITIONE ADORNANDA
COMMENTATIO:

Q U A

ANIMUM APERIT, ATQUE SIMUL

A D

SYMBOLAS CONFERENDAS
ERUDITOS INVITAT

DANIEL WILHELMUS TRILLERUS,

Phil. & Med. D.

QUI ET SPECIMINIS LOCO

L I B E L L U M

D E A N A T O M E

RECENSUIT, EMENDAVIT, ET COMMENTARIO MEDICO-
CRITICO PERPETUO ILLUSTRAVIT.



LUGDUNI BATAVORUM,

P E T R U M à K A S T R O P,

E T

G E R A R D U M C O R T S.

1740.

Apud

DE NOV A

HIPPOCRATES

EDITIONE ADONAND

COMMENTARIO

922

AMIN ARER AT GEN BRIG

TO

STIMULUS CORPUS

ERGOGE INIAT

DANIEL WILLIAMS 2121

IN 1882

OUT RT SPECIALLY 1882

1882 1882

DE AM A I O M

RECEIVED, AMBASSY, ET COMBUSTION M. 1882
COMMO 1882 1882 1882




LUCIANA 1882 1882

1882 1882 1882

1882

1882 1882 1882



COMMENTATIO DE NOVA HIPPOCRATIS EDITIONE ADORNANDA.

PROOEMIUM.

Novam me Hippocratis Operum moliri Editionem, cum ex ea, quam nuper edidi, *Epistola Medico-Critica*, tum aliunde constare arbitror. Ne autem aliquis inducatur, ut credat, me heri tantum aut nudius tertius, de Hippocratis opere edendo cogitare coepisse, aut per quietem Novam illam Editionem vidisse, hincque illi in *Almelovenii Bibliotheca promissa* & latente locum assignet suum; meque ipsum inter magno promissores hiatu, Welſchios, Baudios, Salmasios aliosque referat: sciat velim, me per duodecim integros, & quod excurrit, annos jam lapidem istum volviſſe, mihi Coum cotis vice fuiſſe, quae meum ingenium acuit, & exercuit. Dictu enim incredibile, quam multa interea temporis observarim ab aliis praetervisa; quam praeruptos scopulos complanarim; quam densas saepe tenebras discuſſerim; quot desperata & immedicabilia loca perta-
verim; quos perlegerim Commentarios, (nam & meminisse animus horret,) quo omnibus modis Hippocrati meo, quem tam efflictim à puero paene adamaveram, suppetias ferrem, & nihil non tentarem, ut senili squalore, quo huc usque obſitus erat, exuto, rugisque, in quas libera ejus frons erat complicata, explanatis, habitu plane juvenili & explicatiore fronte in dias luminis oras aliquando exiret. Ut igitur eo luculentius appareat, quid in Hippocrate edendo praestiterim, aut potius praestare possim, si Clementissimum Numen vitae meae spatia usque & usque proterminaverit; quum alias exiguum nobis illius curriculum natura circumscripserit: visum est *praesenti Diatribe* totius aedificii rudimenta, seu operis futuri Oeconomiam breviter delineare; quo deliciarum Hippocratearum studiosi in tempore adhuc me monere possint, si quid illis aut mutandum, aut addendum, aut denique rescindendum videatur. In *duas* autem *partes*, melioris ordinis ergo, dicta mea distribuam; ita, ut primo de ipsius *Editionis forma, habitu, versione*, & similibus, quae ad *merum textum* respiciunt, tractem; deinde strictius, de *mea commentandi ratione*, quam servaturus sum in Hippocrate edendo, agam, ubi simul de *veteri commentarios scribendi more* quaedam disseram, atque simul demonstrabo, quid in illo laudandum, aut potius reprehendendum videatur: tandem vero & eos inprimis allegabo, qui in *Hippocrate illustrando rectam viam ingressi* fuerunt; quos sequi tentabo, cum in universo meo *Commentario*, tum in *specimine*, quod subnectam, h. e. *Hippocratis Libello περί Ἀνατομῆς*, seu de *Corporum reſectione*. Haec totius hujus Schediasmatis ſciagraphia est. Jam de utroque capite strictim & breviter quaeso agamus.

SECTIO PRIMA.

De Nova Hippocratis Editione in genere.

I. **O**mnes, quotquot haecenus habuimus Hippocratis Editiones, forma praegrandi, folio vulgo dicta, prodiisse constat. Non loquor hic de primis *Aldina* puto
A 2. atque

atque *Frobeniana*, quippe quae forma majorem inter & minorem media quidem impressae; sed quum eae rudes admodum sint & mancae, immo & depravatae, praeterea etiam versione Latina atque adnotationibus orbae, iis potius, qui in sterquilinio Critico, aut potius Grammatico solum imperant, atque vocularum tantum apicibus venandis operam impendunt ingloriam, notae sunt, quam Medicis. Sed de posterioribus mihi potius hic sermo est, quae cum versione & Commentariis excusae sunt, quales *Mercurialis*, *utraeque Foësi*, & demum *Charterii* fuerunt. Est tamen & praeter has una adhuc forma minore, quam *Octavam* vocant, à *Lindano* procurata; quae nullo sane suo merito, nisi forte, quod facile circumferri manibusque teneri possit, ceterum enim omnium est pessima, ut alibi dixi, & ipse agnovit Schurtzfleischius, *T. II. Epist. Arcan. Ep. CCXCIX. p. 447.* haëtenus sese in eruditorum familiaritatem insinuavit. Has igitur singulas Hippocratis Editiones si aqua animi lance trutino; priores ob insignem suam molem atque tumorem lectoribus sunt molestae, hincque vix tractabiles: postrema e contrario quae Lindani est, nimium curta, propter observationum defectum admodum sterilis, & propter minutissimos characteres valde ingrata sit, necesse est. Utrique igitur huic malo ut medear, *Novam* meam *Editionem* forma inter maximam illam, hancque minimam, media, h. e. *quarta majori*, ut loquuntur, excudi curabo, & quidem *duobus Voluminibus*: similem plane in modum ac Diogenes Laërtius cum Commentariis Menagii & Variorum, per Wetstenios elegantissime olim luci fuit expositus. Hac enim ratione luculentus non solum Graeci textus Character adhiberi potest; sed & notae eidem textui statim subjici poterunt: praeter haec etiam aequae ac Lindani Editio, facile tractari potest & diurna nocturnaue manu commode versari. Si enim Lindeniani libri formam retinere esset animus; tum & eosdem minores oculorumque aciem obtundentes typos retinere necesse foret: & si textui notas subdere vellem, ut fieri debebat; tum illa editio crassitie nimia necessario deformis & indigesta evaderet. Quae incommoda tuto evitare possum, si *formam*, ut dixi, *quartam* elegero. His duobus Voluminibus accedat *Tertium*, in quo *Foësi Oeconomia Hippocratica*, ad novam hanc Editionem quoad paginas accommodata, & passim à me emendata, & locupletata. Sane luculentissimo illo opere nemo carere potest, qui inoffenso pede Hippocratem & adire & pertransire animum induxit; quum immortalis illius palatii Architectus tantam curam in condendo eo adhibuerit, tantaque eruditione illud, ceu opere tessellato & musivo, ubivis exornaverit; ut opus illud supra omnem laudem titulosque omnes positum videatur: ipse Patinius, parcus ceteroquin scriptorum laudator, *excellentem librum* merito appellavit; *Epist. 398. p. 185. vol. III.* Unde & factum, ut ob exemplarium distractionem illud & infano pretio non solum comparari, sed & adeo rarissime comparere coeperit.

II. Ex atrio, seu externa libri forma, in ipsum conclave, seu ipsum Librum jam intremus: Mox in limine, universo Operi luculenta & copiosa praemittentur *Prolegomena*, in quibus de stemmate tam paterno, quam materno, aetate, studiis, peregrinationibus, moribus, religione, meritis in artem salutarem, inventionibus, scriptis, stylo, dialecto, (de qua & nuper aliqua scripsi) tandem morte Magni nostri Hippocratis accurate acturus sum. Ordo enim videtur maxime naturalis, Auctoris alicujus Biographiam praemittere, priusquam ad ejus scripta pervolvenda accingamur, quam, quod Foësius & Lindanus, infausto hercle omine, fecerunt, Hippocratis vitam in Operum calcem rejicere. Ineptum enim videtur, prius alicujus scripta legere, & demum quaerere, quis ea scripserit, & quis fuerit Auctor. Quum e contrario ejusmodi introductio Libris ipsis praefixa, multum conferat ad Auctorem eorundem eo melius intelligendum: monita enim de aetate, more scribendi, principiis, & intentione alicujus Aucto-

Auctoris totidem faces quasi sunt & Phari, quae Lectores per salebras & tesqua in ipso Opere hinc inde occurrentia tuto & facile circumducere, atque feliciter ex iisdem evolvere possunt. In ipsa autem Hippocratis Vita concinnanda sequar potissimum ingeniosissimum *Dacerium*, qui opusculis quibusdam Hippocratis, Gallica veste à se indutis, notisque doctis hinc inde illustratis, Vitam Auctoris eleganter conscriptam praefixit; nisi quod subinde aliqua interjiciam ab ipso omissa, fontesque, ex quibus ille sua hausit, subjiciam; ne Lectores nos quaedam finxisse arbitrentur. Stemma Hippocratis paternum ex Sorano, Suida, Tzetze, Pacto & Thessalo Hippocratis filio conquisitum, faciliore methodo digeram, quam à *Henningesio* atque *Reineccio* factum, ac postea à *Meibomio* atque *Dan. Clerico* transcriptum fuit: Maternum autem, quod nemo, quod sciam, hactenus congeffit; ipse, quousque licuerit, accurate pertexam. In finetandem *Prolegomenon* primo de aliorum, qui me praecesserunt, in Hippocratem meritis loquar; deinde etiam ea, quae à me praestita fuerunt, ea, qua decet, modestia, breviter edisseram.

III. In ipso *librorum Hippocratis ordine & successione*, de qua jam loqui fas est, sequar potissimum *Erotiani* veteris Hippocratis Scholiastae praescriptum, quod & auspicato fecit Foësius; nisi quod quosdam libros male à se nonnunquam divulsos conjungam iterum atque in sedem suam pristinam restituam. Quum enim veteres Codices Manuscripti, ipso Foëσιο teste, in ordine librorum Hippocratis servando, mirum quantum variant; & praeterea Suidas quoque aliam eorundem seriem, nempe *Jusjurandum, Praedictiones, Aphorismos*, & tandem *valde mirabile opus Hexecontabiblon* adnotavit: tutius profecto videbatur, Erotianum sequi, quam; quod Mercurialis, Lindanus & alii ausi: sua auctoritate novam dispositionem instituire. Inprimis quum ipsum Hippocratem ejusmodi ordine libros suos scripsisse & evulgasse incertum admodum sit; prout latius in ipsis *Prolegomenis* demonstrabitur.

IV. Illos autem Libellos, quos suae Editioni, pessimo consilio, inseruit Lindanus, quosque Hippocratem, aut aliquem Hippocrateum non scripsisse, liquido constat, quorumque versiones tantum hodie supersunt, plane rejiciam & omittam. Tales autem sunt *de Structura Hominis, ad Perdiccam Macedonum Regem*, quem & Foësius repraesentat, *de Significatione vitae & mortis secundum motum lunae & aspectus planetarum, de Sanitate Tuenda ad Antiochum Regem*, in quibus tam putrida, vana & superstitiosa sunt commenta, ut vetulis, sagis & circulatoribus digniora sint, quam perito Medico, nedum Hippocrate; unde & eos pro genuinis minime esse habendos, recte pronunciavit Vir infinitae Lectionis, & inexsuperabilis diligentiae Fabricius. Huc & *Liber de septimestri partu* spurius, obscurissimus; item ille, quem Bartholinus exhibet, *de Pustulis* inscriptus, & ex Arabico in Latinum à Golio versus, de cujus tamen auctoritate merito ambigit idem Bartholinus, pertinent. Qui omnes à me merito explodentur, cum quia melioribus dignioribusque locum praeripiunt, tum quoniam nullum plane praestant usum, & manifeste supposititii sunt.

V. Ceterum retinebo ex Lindano *textus in segmenta divisionem*, est enim illud Lectoribus gratum & in allegationibus apprime utile, ut & Jonstono fuit notatum. Et hoc fere solum est, propter quod placere possit Lindani Editio, ut alibi dixi. Ceterum enim omnium est miserrima, ut supra jamjam fuit à me monitum.

VI. *Elogia Hippocratis*, quae idem Lindanus suae Editioni attexuit cœu fimbrias purpurae, etiam omittam. Nam longe plura poterant addi, & nihil erat, quod eum laudaret, quem omnia secula jure admirantur & laudibus extollunt. Hippocratem enim laudare idem est ac facem in ipso meridie accendere. Praeterea ejusmodi elogiorum acervus nullum alium praestat usum, quam ut libri moles eo citius intumescat, quod tamen a nobis esto alienum.

VII. *Epistolas* tamen *Hippocrateas* non rejiciam, utut de earum auctoritate Scaliger, Casaubonus, Reinesius, Menagius, Clericus & alii dubitarint. Nam licet largiar, non omnes ab Hippocrate fuisse scriptas; plurimas tamen eum Auctorem agnoscere, à vero haud videtur abluere, ut & recte agnovit Vir Doctissimus Humphridus Prideaux in Opere immortali de Connexione sacram inter & profanam Historiam; in primis cum jam Plutarchi aetate, h. e. imperante Trajano, ad Hippocratem referri coeptae fuerint, ut & notatum est Jac. Sponio. Praeterea eae rationes, quas ad labefactandam earum auctoritatem, in medium attulit Cl. Clericus, non ita omnes sunt comparatae, ut eas refellendi nullum plane detur effugium, prout alibi diserte demonstrabo. Immo demus tantisper, *Epistolas* illas esse supposititias; tamen & propter styli venustatem, & rerum in primis gravitatem, atque Philosophiae moralis thesaurum, semper legendas & relegendas esse judicavit jam olim Illustrissimus noster Thomafius.

VIII. Quod denique *versionem Latinam* attinet, rejectis insulsis illis *Calvi* atque *Cornarii*, quam temere arripuit Lindanus, ut scilicet antiquitati honos haberetur, solam eam eligam; quam elimato cum judicio, & dulci fandi copia, nobis dedit Foësius, *praeclare enim cum Hippocrate actum est, quum Latine eum loquentem induxit Anutius Foësius interpretes proximus optimis numerandus, & reliquis longe superior, qui in eodem Hippocratis convertendi labore claruerunt*: verba sunt illustrissimi Pet. Dan. Huetii *de claris interpret. p. m. 215.* quicum & Zvingeri acutissimi Hippocratis interpretis versionem conferam, in iis nimirum libris, quos interpretatus est, & notis perdoctis illustravit. Emendabo tamen hinc inde quaedam in utriusque versione, ubi boni illi viri & ingentes animae aut humani quid passi, aut codicibus mendosis usi sunt; quod & passim contra Foësium adgressus est non sine honore, immo honore nominandus Thomas Reinesius.

S E C T I O S E C U N D A.

De ratione Commentarios in Hippocratem scribendi.

I. **Q**ui antiquos Auctores, post litterarum ex ignorantiae abyssu refuscitationem, pulvere conspurcatos & à tineis fere exesos in lucem protraxerunt, duplici mihi modo ut plurimum peccasse videntur. Aut enim *nullos* plane Commentarios, aut *multos* nimium addiderunt; adeo, ut illorum molem merito horrescant Lecturi. Sicut igitur necesse erat, ut priores locorum difficiliorum in Auctoribus hinc inde occurrentium enodationem suggererent; ita pariter necesse non erat, ut posteriores lucem ibi affundere laborarent, ubi jam lux radiabat & nulla erat caligo. Ut ad Hippocratem redeamus, ad alios enim transire jam non lubet, summae fane est necessitatis, ut ille justo & perspicuo Commentario illustretur; ob peculiarem nimirum ejus styli, summam brevitatem, locos corruptos, res arduas & similia. Hinc tot jam antiquitus in Hippocratem fuere commentati, quos partim Galenus, qui & ipse vasta conscripsit in eundem Commentaria, partim etiam Erotianus & laudarunt & notarunt: immo post id tempus tanta Commentatorum accrevit copia, ut dubium sit, possit ne Nestor aliquis, quantumvis trisecli-senex, omnia illorum volumina perlegere, quae spatiofo Catalogo comprehensa, in *Genevensi Foësii Editione* recensentur; quamvis plura adhuc restent, quae Auctorem illius Catalogi vel plane latuerunt, vel post ipsius demum fata prodierunt. Verum hi Commentatores fere omnes (paucis admodum exceptis infra allegandis) magno plerumque conatu nihil egerunt, & ubi nullus esset pulvis, tamen & nullum excusserunt, ut jocatur tenerorum lusor amorum Ovidius.

Consi-

Consistit enim eorum commentandi ratio, aut in inanibus subtilitatibus, perplexisque tricis, quas data saepe opera sibi nectunt, evolvendis, (quod in omnibus fere antiquis utriusque Linguae Auctorum Commentariis deprehendimus) aut in copiosis & verbosis locis parallelis ex aliis Auctoribus congestis & constipatis, in quibus tamen aut idem quod Auctor dixit, aut saepe etiam diversum quid apparet; ubi, sive prius spectes, sive posterius, Hippocratem ne hilum quidem adjuvant: aut denique meram tantum textus paraphrasin instituunt, eamque ad sua, quae foveant, principia, saepissime effingunt, adeo ut hinc non raro Auctori hoc pacto peregrina affingatur mens, cordatoque Lectori sic imponatur. Haec tria ut probemus, paucos ex unaquaque classe allegare fas sit Commentatores.

II. Eorum, qui in Hippocratis opera fuere commentati Galeno antiquiorem habemus nullum; illi enim, qui ipsum aetate praecesserunt, periere. Sed idem ille summus cetera Galenus quam saepe nugas agit, quam inanes sibi objectiones fabricatur, quanto conatu, quantoque strepitu eas confutat, quam diffuse omnia tractat, quam superflua addit, quam multa illustrare conatur ipso meridiano sole jamjam clariora? me vera dicere, non solum unanimis Eruditorum consensus testatur: sed & ipsi maxime Commentarii in *Libb. Hipp. de Natura Humana*, de *Victu salubri*, de *Victu in morbis acutis*, in *Libb. I. III. & VI. de Morbis Vulgivagis*, & imprimis protensa illa *cum Lyco disceptatio super quodam Hippocratis Aphorismo*, aliaque uberius declarant. Accedit, Galenum in universum cordati interpretis partes non explevisse: quum enim suae tantum famae extendendae gloriaeque captandae, unice inhiaret, factum est, ut Hippocratis Censorem magis, quam Interpretem ageret, hincque illi parum admodum fidei habendum; prout recte observatum fuit à Prosp. Martiano, J. C. Scaligero, Asellio, aliisque & luculentius à Th. Reinesio demonstratum.

III. Ad secundam classem h. e. ad eos, qui nimis locis parallelis Lectori nauseam suscitaverunt, ipse pertinet Foësius. Foësius ain? Tu, quem nuper admodum summis encomiis mactasti? Foësius inquam. Licet enim eum ex praestantissimorum Commentatorum numero eximere, summum utique foret nefas: tamen in hoc saepe peccavit, quod nimia nonnunquam ex Galeno, Aetio, Aegineta, Theophilo, Aretaeo, aliisque veteribus coacervet loca, eaque ad verbum adscribat, qua re Lectorum patientiam oppido defatigari, me monitore non eget. Si quis exemplum desideret, evolvet quaeso Foësium supra *Libro de Fracturis*, de *Medici Officina*, cum primis autem super *Libris de Morbis Epidemicis*, ad quos universus paene Galenus transcriptus est.

IV. Ad tertiam demum classem omnes fere pertinent, quotquot post Galeni tempora in Hippocratem scripserunt, & quotquot ego vidi, (vidi autem non paucos & fere dixerim, plerosque) Quales sunt v. g. *Valesius in Libb. de Morb. Epidem.* licet hoc pro optimo Valesii libro habeat Guido Patinus *Epist. Vol. I. Ep. 46. p. 193.* aliique, *Hollerius, Jacotius, & Duretus in Coacas Praenotiones*, *Martianus & Marinellus in universa Hippocratis Opera*, *Salus in IV. Libb. de Morbis*. *Victorius in Prognostica*, *Perla in Lib. de Loc. in Hom.* *Flavius in Lib. de A. L. & A.* aliique plures, quos nec haec nec sequens pagina capere potest. Hos autem & quos dixi, & quos reticui, omnes paraphrastas aut metaphrastas rectius dixeris, quam Commentatores. In eo enim potissimum illorum versatur opera, ut ea, quae ab Hippocrate stylo circumciso, pro more, fuere consignata, verborum apparatu extendant flosculisque ex Scholasticorum dumetis, (rosctis volui dicere) decerptis exornent, securi interea de textu, sive corruptus, sive obscurus, sive plane desperatus fuerit. Sic corvos deludunt hiantes perditum illi Interpretes. Me vero miserum! qui tot eorum volumina per-

volvi , ut scilicet nihil scirem , nihil discerem , & quae bene sciveram , male scire occiperem.

V. Hunc igitur in modum comparati haecenus fuerunt scripti in Hippocratem Commentarii, ut scilicet in tanta eorum abundantia summa paupertate urgeamur, & Hydropicorum ad instar, in medio quamvis aquarum gurgite constituti, siti tamen inexplebili adhuc excruciemur, & ferventia ora puro latice proluere anhelemus. Videntur scilicet boni illi Viri justi Commentarii naturam penitus ignorasse; secus enim nobis veram & perspicuam textus enarrationem, pro tot phaleris atque offuciis, haud dubie dedissent. Nam qui veri & inculpati Commentatoris defungi vult officio, ante omnia in id incumbat, ut Auctoris, quem Commentariis illustrare instituit, verba accurate consideret & expendat, eorumque genuinum in hoc vel illo loco sensum eruat, illumque vel ex ipso Auctore atque sic parallelismo probet, aut ex coaevo Scriptore commonstret; quo facto, sensus dein realis per se patebit. Quodsi enim verba rite explanata sint, (loca autem sana hic suppono, & non mendosa,) tunc sensus necesse est, ut facile perspiciatur. Deinde ut diversas Vett. Codd. Lectiones, sed insignes, & à recepta scriptione longius paulo recedentes, non, quod hodie plerumque fieri amat, minimas & nihil significantes particulas, sedulo adnotet, cum antecedentibus & subsequenter Textus verbis studiose comparet, atque iudicio defaecato usus, & bono Deae Criticae favore adjutus, liquido demonstret, quaenam illarum maxime videatur probabilis, ut in ipsum textum tuto recipiatur. Porro, ut, ubi eum Codd. Mss. plane deferunt, & nihilominus textus apertissime mendosus est, quod saepissime in Hippocrate praesertim, contingere, cum à Foësius, Zwinger, Daceroque, jam olim observatum, tum à me nuper admodum demonstratum est, verisimilem, nec à priscis litterarum vestigiis nimis abludentem (tales enim emendationes cum Scaligero, Casaubono, Reinesio, Bocharto, Mercero, Meursio, & Palmerio semper optimas iudicavi) modeste adponat, atque Lectoris iudicio lubens subiciat; melius enim est aliquid dixisse, quam nihil: maxime tamen caveat, ne ingenio nimium indulgens, studioque innovandi inani pruriens, textum per se non obscurum, obscurum tamen facere & proclamare allaboret, quo messum saltim habeat, in quam falcem suam criticam temere immittere possit, quo vitio maximos plerumque Viros, in primis autem Salmasium, laborasse compertum est. Denique ut superflua omittat, longius petita non adferat, brevibus sese, si fieri potest, expediat, atque adnotationes in universum in pauca conferat, ut uno quasi intuitu, Lector Auctoris sensum perspicere, atque in ipsius Lectione ulterius inoffenso pede progredi queat.

VI. Ad hanc igitur normam Stephani, Casaubonus, Heinsius, aliaeque ingentes animae nobis Herodotum, Diodorum, Thucydidem, Athenacum, Polybium, Strabonem, Theophrastum, Clementem Alexandrinum, Maximum Tyrium, aliosque Auctores Graecos illustratos ac emendatos dederunt. Sicut familia Scaliger, Gruterus, Lipsius, Gronovius pater, Graevius, Burmannus, alique in Aufonio, Catullo, Tibullo, Propertio, Manilio, Seneca, Tacito, Valerio Maximo, Livio, Floro, Justino, Suetonio, Petronio, & Quintiliano, Valerio Flacco, Phaetro, Vellejo Paterculo, Ovidio, aliisque Scriptoribus Latinis magna cum laude praestiterunt. Solus autem fere Hippocrates desertus & à suis Enarratoribus inclementer tractatus fuit, ita ut propter obscuritatem & saebras, nec à Medicis legi, nec ab aliis Eruditis intelligi plane huc usque potuerit. Quum tamen praestantissimus hicce Auctor, cum ob antiquitatem, (est enim una cum Herodoto ac Thucydide inter Profarios antiquissimus,) tum ob styli venustatem & Ionicam suavitatem, ut nihil de rerum, quas tractat, pondere, & sententiis adytis dignis hic commemorem, si quis profecto alius, maxime mere-

merebatur, ut diligentius, quam hactenus factum, Eruditorum manibus tereretur, rariusque deponeretur. Sed unde obsecro hujus morbi caput? Credo me veram causam esse hariolatum. Qui enim scripsere in Hippocratem, aut boni Medici fuere solum; hincque praeter longas & steriles textus paraphrases nihil nobis dare potuerunt; aut Medici criticis subsidiis & accurata Graecae linguae cognitione non satis instructi; inde Lectores locis Galenicis aliisque parallelis congestis, paene suffocabant. Edere igitur atque illustrare Hippocratem fausto omine poterat sane nullus, nisi esset *Medico-Criticus*. Solus Criticus non poterat, ob salutaris scientiae defectum: solus autem Medicus non poterat, ob defectum Graecae Linguae & criticorum subsidiorum: Sed is solus poterat, qui in utroque probe esset subactus, ita ut Medicinae gnarus, sensum realem eruere, & Graecae Linguae peritus, sensum verbalem explanare, mendosoque nonnunquam textui medicinam adhibere valeret. Ego igitur forsan solus ille futurus sum Daedalus, qui machinam istam paene immobilem, vel solius digiti tactu circumrotare sustineam? absit tam effrenis arrogantia à me quam longissime! Novi me pede meo metiri atque modulo, & semper mecum habito. Sed dum ingenue eloquor, quid ad egregium Hippocratis Interpretem pertineat, quaque ratione in eundem Summum Auctorem componendi sint Commentarii, edoceo;

- - - - - *fungar vice cotis, acutum*
Reddere quae ferrum valet, exsors ipsa secandi,
Munus & officium, nil tangens ipse, docebo,
Unde parentur opes, quid alat formetque poetam,
Quid deceat, quid non, quo virtus, quo ferat error.

VII. Immo nequaquam putandum est, tam caram esse bonorum Commentatorum in Hippocratem annonam; ut nemo sit, qui ad eam, quam praescripsi, regulam, observationes suas composuerit. Minime gentium. Fuerunt enim omnino aliqui, rari quippe boni, qui in Hippocrate rite interpretando, aeternam sibi nominis famam pepererunt. Huc cumprimis pertinet Foësius, nisi quod interdum justo plus diffusior, ut supra notavi, & in asserendis genuinis emendationibus & lectionibus paullo timidior, quod & à Freindio Anglo nuper observatum fuit; item Mercurialis acutissimi ingenii Vir, nisi quod nimium tribuerit fluxae auctoritati veterum membranarum Vaticanarum, ut alibi de eo adnotavi: porro Zvingerus, subtilissimi juxta & felicissimi ingenii Commentator; nisi quod elegantissimas suas & doctissimas observationes & emendationes operosissimis *Tabellis*, ceu totidem pistrinis, inclusit, unde & sibi, dum scriberet, & Lectori, dum legeret, acerbam crucem fixit. Interea tamen dolendum, quod non in universa Hippocratis Opera; sed in *XXII*. duntaxat *libros* calamum Musis foetum strinxerit. Veniunt quoque in hunc censum Gorraeus, qui in *VI. Hippocratis Libros* doctissima & ingeniosissima scholia confecit; nisi quod petulantiae criticae labe nonnunquam laboret, & novas lectiones exsculpere contendat, ubi nulla plane id urget necessitas; hinc eam aliquoties recte castigavit Meibomius, & notavit cum Patino Salmasius: Opsopoeus, qui *V. Hippocratis Libros* terse vertit, & acutis notis & emendationibus probe instruxit; nisi quod in illis subinde minutias plus aequo sectetur: Septalius, qui *Librum de Aëre Aquis & Locis* elegantissimis & bonae frugis plenissimis Commentariis quinque illustratum edidit. Heurnius, qui in *XIII. Hippocratis Libros* luculentum Commentarium adornavit: Jul. Caesar Scaliger, & maximo hoc suo patre longe major filius Josephus Scaliger, quorum hic *Librum de Capitis Vulneribus*, ille autem *Librum de Insomniis* elegantissime recensuit, illustravit, & inimitabili plane sagacitate emendavit; quod & ipse professus fuit Foësius: Dacerrius, qui *XVI. Hippocratis Libros* feliciter ac ornate in Linguam Gallicam transfudit,

& selectissimis adnotationibus ac castigationibus locupletavit; sunt & alii, qui hic laudari merentur, inprimis vero Meibomius, in *Jusjurandum*, qui licet justos commentatoris limites, pulcro & utili errore transgressus videatur; eo ipso tamen vastissimae eruditionis thesaurum nobis reclusit: Sic & Salmasius in *Aphorismum LXXIX. Sect. IV.* docte satis commentatus est; nisi quod Hippocratis magis reformatorem quam explicatorem egerit, ita ut pro more suo, quem in Plinio potissimum tenuit, omnia turbârit, destruxerit, finxerit, refinxeritque pro lûbitu: hic enim Vir in Auctores Veteres non solum imperium, (quod ipsi multi sponte, quamquam inique, detulerunt, ut recte judicat Jo. Fr. Gronovius in ea Epistola Libro de pecunia Vet. annexa) sed & adeo tyrannidem exercuit, ita ut per omnes, quos modo arriperet, ceu rapidus torrens, sese praecipitaret, & quicquid sibi forte obitare deprehenderet, audacissime, discuteret, emendaret, aut plane deleret. Sicut id pluribus demonstrari possit, si illud hic ageremus. Et haec de Hippocratis Commentatoribus, qui aut rectam viam ingressi, aut tamen haud procul ab ipsa abfuerunt: quibus plura fane adhuc adjici à me possent; nisi ea latius explicandi commodior recurreret locus in ipsis *Prolegomenis*.

VIII. Horum igitur illustrium Ducum videbo an vestigia legere possim in conscribendis meis in Hippocratem Commentariis & observationibus; ita tamen, ut quantum potero, eorundem lapsus supra notatos sedulo evitem. Cavebo, ne in luxatis reponendis, in obscuris dilucidandis, in depravatis emendandis, in supposititiis temereque in textum intrusis rescindendis, nunc cum Foësius plus justo timidior; nunc cum Gorraeo, Hoffmanno, Lindano atque Reinesio plus aequo audacior deprehendar; sed ut potius via media semper incedam. Conciso quidem, sed perspicuo tamen dicendi genere utar; nisi summa urserit necessitas latius aliquanto divagari, prout & in ipso, quod infra legitur, *specimine Hippocratico* nonnunquam fieri à me oportuit. Variantes Lectiones, si cujusdam sint momenti, studiose adnotabo, & quae loco, de quo sermo, convenientissimae mihi videntur, semper indicabo. Praeter Foësii, Dacerii, Gorraei, Mercurialis, Opsopoei, aliorumque selectiores notas & emendationes, varias addam Salmasii, Vossiorum, Scaligerorum, Casauboni, Spanhemii, Gatakeri, Bocharti, Reinesii, Bartholoni, Lindani, Cagnati, Hoffmanni, Leopardi, Mureti, Tollii, Clerici, Schotti, Veslingii, Petiti, & aliorum praeclarorum virorum magno studio & industria ex ipsorum scriptis erutas & congectas; quas non Medicis solum, verum & mansuetiorum litterarum studiosis in genere valde profuturas speramus. In id enim maxime incumbam, ut Hippocrates postea non solum ab Medicis, sed etiam ab omnibus Philologiae cultoribus cum fructu quodam pervolvi queat. *Rogo autem iterum hic atque obsecro, ea qua decet humanitate, omnes Eruditos & sacris hisce initiatos, ut si quid aut ipsi habeant, aut ubi lateat, sciant, quod Nostram Editionem splendidiorē reddere possit ac locupletiorē, illamque gratiam non tam mihi, quam potius bono publico, ad cujus utilitatem omnes Cordatos Viros, ceu ad praefixum scopum, collineare addecet, fieri, apud animum reputent: Credant denique etiam, quod ad me, beneficium illud non in ingratum temere profundi. Est enim benignum, inquit major Plinius, & plenum ingenui pudoris, fateri per quos profeceris: quam auro contra aestimandam regulam vel me, unicuique suum cum laude tribuendo, semper sancte observaturum esse publice polliceor.* Ceterum, ut revertar, unde digressus sum; *Notas meas*, etsi quandoque etiam copiosas, ipsi textui subalternam; non, quod Foësius fecit, ad librorum calcem rejiciam quia illud Lectori gratum & proficuum; hoc contra eidem molestum & incommodum. Jam vero ne *Lectores* per ambages & longa exorsa diutius teneam, *Specimen* supra promissum sequitur, ex quo

cei

ceu fimbria aliqua, totius contextus ratio, & quid, quantumque ex me in Hippocrate edendo & illustrando sperari queat, facili negotio poterit dijudicari. Selegi ad id *Libellum de Anatome*, qui, si non est Hippocratis; nam Erotianus & Galenus de illo tacent, & Mercurialis, item Hofmannus, plane dubitat; Hippocrate tamen non est indignus; brevem quidem si verba, sed si res in eo tractatas, textumque nunc obscurum, nunc depravatum respicis, satis patentem, in quo aliquis suum possit, si velit, exercere ingenium. Imprimis cum nemo adhuc justum in Istum composuerit commentarium, unde ego, quod absque jactantia dictum esto:

*Avia Pieridum peragro loca, nullius ante
Trita solo: juvat integros accedere fontes,
Atque haurire, juvatque novos decerpere flores,
Insignemque meo capiti petere inde coronam,
Unde prius nulli velarint tempora Musae.*

Illum igitur in *memata* à me dissectum, versione accuratiore longe & luculentiore, quod praefiscine dixerim, ac Cornarii & ipsius adeo est Foëssi, ornatum, & *notis medico-criticis* uberioribus necessariisque *emendationibus* instructum jam, utinam auspicato! exhibere conor.



Ι Π Π Ο Κ Ρ Α Τ Ο Υ Σ

HIPPOCRATIS


περὶ


de

Α' Ν Α Τ Ο Μ Η Σ.

DISSECTIONE

Libellus.

I.  ρτηρίη (1) ἐξ ἐκατέρω (2) Φαρυγγέθρῃ τὴν ἐκφυσιν ποιευμένη ἐς ἄκρον πνεύμονος τελευτᾷ, κρείκοις συγκειμένη ὁμοιορυσμοῖς (3) τῶν περιηγέων ἀπτομένη κατ' ἐπίπεδον ἀκμήλων. (4)

I.  istula spiritalis ab utraque faucium parte exortum faciens, in pulmonis summitatem definit, ex annulis sibi similibus composita, seque invicem in superficie ambientibus connexa.

I. Ἀρτηρίην, five arteriam vocat fistulam illam cartilagineo-ligamentosam, cujus ministerio spiritus in pulmonum folles intro hauritur, & rursum exploditur, quaeque ad vocem articulate edendam confert. *Fistulam spiritalem* vocat Lactantius, *cannam gutturis* Coel. Aurelianus; Recentiores, veluti Galenus, Theophilus, Nemefius, Theodoretus aliique ἀρτηρίην τραχείαν five *arteriam asperam*, ut Cicero, Celsus aliique vertunt, dicunt, ad ceterarum nimirum arteriarum, quas λείας five leves vocant, differentiam. Noster vero nude ἀρτηρίην scribit, quod & apud Aristotelem, Rufum Ephesium, Alcinoium, Eustathium diversis ad Homerum locis, immo & ipsum adeo Sophoclem in Trachiniis, reperire est. Est enim proprie ἀρτηρία quasi ἀεροτήρια, h. e. τὸν αἶρα τηρεῖσα, quae aërem custodit & conservat, ut exponit Hesychius. Credebant quippe veteres Medici pariter ac Philosophi, quos inter Erasistratus imprimis, ut & Galenus, Theophilus, Rufus Ephesus, Seneca aliique, arterias in universum μάλλον εἶναι πνευματώδεις ἢ πολυαίμους, magis esse spiritu, quam sanguine turgidas, & ut Hippocrates ipse Lib. de Carn. loquitur, τὸ πνεῦμα ταμιεύειν, spiritum recondere; eo credo inducti, quod αἷμα πνευματώδες, ut Auctor Gr. de Anatome à Laurembergo editus ait, h. e. sanguinem spirituosiore in arteriis, quam venis contineri animadverterent. Ceterum Noster arteriam hanc spiritalem Lib. de Corde, de Venis IV. de Morb. & alibi etiam σύριγγα five fistulam vocat, quod miror à Foëfio in Oeconomia non observatum: Idem Lib. de Alimento, de Venis, & alibi, ut & Democritus, five quisquis Auctor libelli de Nat. Hum. item Plutarchus & Theophilus, hoc loco βρόγχον quoque posuerunt, quod & notatum Galeno Lib. VII. de Administ. Anat. & alibi. Antiquissimis denique temporibus tracheam vocatam fuisse ἀσφάραγον, memoriae prodidit Plutarchus, Sympos. L. VII. qu. I. p. 558. Adde Suidam Voc. Σφαραγιῶντο, & Lamb. Bos in Animadvers. ad Script. Graec. c. XLVII. p. 188. λάρυγγα quoque vocari, notius est, quam ut multis hic commemorem.

2. Φαρυγγέθρον fauces denotat, ut ex Galeno, Aretaeo, Rufo aliisque probat Lindanus, Med. Phys. c. VI. Art. 21. n. 194. imprimis, Aretaei locus c. Lib. II. de caus. acut. c. 11. apprime huc facit: Φαρυγγέθρον, ἔνθα καὶ ἀρχαὶ τομάχῃ καὶ ἀρτηρίῃς, fauces, ubi & gulae & gutturis five arteriae asperae initia: Pollux aliique Veteres Grammatici, Φαρυγγέθρον scribunt, Hesychius autem Φαρυγάθρον, quod in Φαρυγγέθρον mutandum esse recte viderunt Lindanus & Foësius, quanquam id retinuit Varinus.

3. Nempe ex orbiculis fere rotundis cartilagineis aspera arteria constructa est: hos Theophilus Lib. III. de Corp. Hum. Fabr. c. 13. βρόγχια, ipsamque asperam arteriam ex multis ejusmodi bronchiis five circulis compositam eleganter *cylindrum* vocavit, quod & notatum Lindano: De his Bronchiis adeundi quoque Aretaeus L. III. c. 10. & imprimis Galenus L. VII. de Compos. Med. sec. loc. it. Lib. IV. de loc. Affect. locisque aliis quamplurimis. Vocat autem Noster circulos illos ὁμοιορυσμούς, sibi similes, coaequales, quasi ἐκ ὁμοίων ῥυσμῶν καθεστηκότας five ex aequalibus tractibus constantes. Scilicet vox ὁμοιορυσμός (nam utrumque est rectum, ut & observavit Foësius, licet contra stet Lindanus) peculiarem habet significatum; & quod ad posteriorem partem nempe ῥυσμός, Abderitana & Democritica est, *formam* & *tyrum* significans: Suidas ῥυσμός inquit, κατὰ Ἀβδηρητικὴν διάλεκτον σημαίνει τὸ σχῆμα καὶ ἐτέραις δὲ λέξεσιν ἔχ' ἐλληνικαῖς οἱ περὶ τὸν Ἀβδηρητὴν Δημοκритὸν χρῶνται: simile observat Philoponus in I. Aristot. de Anima: ῥυσμός λέξις ἐστὶν Ἀβδηρητικὴ, σημαίνει δὲ τὸ σχῆμα, & Eustathius ad Dionysii περιήγησιν, ubi eadem in hoc significato vox, haec notat: ῥυσμόν δὲ τὴν ἐκτασιν λέγει (Dionysius) τὴν θέσιν, τὴν ἀτάσιν, ἢ ὡς αὐτὸς εἶπε, τὸν τύπον & paucis interjectis: ἐστὶ δὲ ἐκεῖ ῥυσμός τὸ σχῆμα, ὁ τύπος, ἢ θέσις, γίνεται δὲ ὁ ῥυσμός ἐκ τῶ ῥύω, τὸ ἐλκύω: adeoque ῥυσμός est à ῥύω traho, quod & de figura & lineamentis vultus, Latinis, Gallis, & Italis usurpatur, ut *tractus vultus* &c. Errat igitur Philoponus supra citatus, quando hanc Eustathii & aliorum

rum Etymo'logiam rejiciens, vocem ῥυσμὸν & aliunde deducendam, & aliud significare asserit. Haec omnia uberius paullo consignata legas licet apud Menagium ad Diog. Laërt. L. IX. segment. 47. p. 414. 415. ubi & hac voce Callimachum quoque usum observat. Quando igitur, ut ad nostrum locum revertar, animadverto, quinquies peregrinam hanc vocem ὁμοιοῦσμὸν, in tali, quem dixi, significato, ab hujus libelli Auctore fuisse usurpatam: in eam fere delabor sententiam, hujus libelli Autorem fuisse potius Democritum Abderitam Hippocratis nostri amicum, & in re Anatomica admodum versatum, ut Plinius, Petronius & ipse Hippocrates in eleganti illa ad Damagetum Epistola testantur, quam ipsum Hippocratem. Democritum enim hac voce usum inprimis fuisse, aperte professus est Aristoteles, L. I. Metaphys. cap. 4. ex quo superiora Suidae verba hausta esse recte animadvertit Menagius l. f. c. & ipse Diogenes Laërtius in Democriti vita. ubi cum Librum περὶ διαφορῶντων ῥυσμῶν, de differentibus figuris scripsisse adnotat, quod Aldobrandinus inepte de differentibus rugis, & Ambrosius de differentibus fragoribus, ineptius verterunt, eadem observante Menagio: Sic & eodem Laërtio Auctore, alium Librum Democritus inscripsit: περὶ ἀμειψιῶν ῥυσμῶν, quod iterum de rugarum permutationibus ineptissime vertit idem Aldobrandinus, quum tamen, ut recte vidit Menagius, vertendum esset de mutationibus figurarum. Ex eadem igitur ratione eidem Democrito libellum de septimestri partu falso haecenus Hippocrati adscriptum, obscurissimum quidem illum, adjudicari: non solum enim ibi vocem ῥυσμὸν septies, & verbum quoque ῥυσμᾶσθαι aliquoties sic usurpat; sed & reliqua subtilius & abstrusius longe proposita suadent, aut ipsum Democritum, aut alium Abderitam Philosophum, istius libelli Auctorem esse credamus. Id velim adhuc notes; vocem Chald. 𐤐𐤕𐤔𐤕 Rasum, & 𐤐𐤕𐤔𐤕 Refim à verbo 𐤐𐤕𐤔𐤕 Resam, & sono & significato cum voce Abderitica ῥυσμὸς, concordare: sicut etiam vocem Σῆς, qua Democritum pro κινήσει sive motu usum esse narrat Aristoteles L. de Coel. IV. c. 6. ex more Hebraico 𐤔𐤕,

II. Αὐτὸς δὲ ὁ πνεύμων συνεξαναπληροῖ τὴν χέ-
λυν, (5) τετραμμένος ἐς τὰ ἀριστερά, (6) πέντε
ὑπερκορυφώσιας ἔχων, ἃς καλέσσι λοβός. (7) τε-
φρίνης χροῖης τυχὼν, σίγμασιν ὀφρυνώδεσι κεκεντη-
μένος, (8) φύσει ἐὼν τευθρηνιώδης (9).

III. Μέσῳ δ' αὐτέῳ ἡ καρδίη ἐγκαθίδρυται (10)
τρογγυλοτέρῃ καθεστῶσα πάντων ζώων. (11)

5. συνεξαναπληροῖ, praegnans verbum: quod quis ex condigno transferat in Latinum? cui negatum est tam felici in componendo, Cornarius conatus est: coad-implet. Foësius ne conatus quidem: implet. Ita exclamat Lindanus Med. Phys. c. VI. §. 178. ubi hunc ipsum libellum strictim recenset. Et verum est o-

Sua, movere, originem traxisse admodum probabile videtur. Verum haec alterius sunt loci, ideo nec dicta sunt.

4. Interpretes hic legisse videntur: τὸ περιηγέων ἀπτομένων κατ' ε. α. quod ineptum non est; concinnior tamen videtur lectio, quam cum Foëlio & Lindano in textum recepimus. Recte autem idem Foësius vocem ἀπτομένην exponit per ἡμμένη, πρὸς-δεδεμένη, coagmentata, colligata; hunc enim significatum non hic solum; sed & in aliis Hippocratis libris v. g. de Nat. Mul. de Vict. Aegrot. in Morb. Acut. & alibi recipit. Vocem porro περιηγέας Hefychius scite explanat per κυκλότερον, sive περιφερές, rotundius & in orbem flexum; commode tamen etiam notante Foëlio, per γναμπτὸν & καμπύλον, curvum & recurvum reddi posse nullum est dubium; immo huic nostro loco praecipue est conveniens. Sollicite interea Noster Tracheae circulos κατ' ἐπί-πεδον tantum sive quoad superficiem περιηγέας circumflexos dixit, quia non perfectam circuli circumferentiam imitantur; sed ea parte, qua oesophagum attingunt, membranosa, sive ligamentosa substantia induuntur, unde & σιγμοειδής, à semicirculari nimirum C. figura veterum Graecorum, recte Gaeno, argute dicuntur: Hinc & Celsus L. IV. c. 1. ad earum vertebrarum imaginem, quae in spina sunt, compositos eos animadvertit; & Galenus, sive Auctor Libri introductionis c. xi. eosdem vocavit κρηκοειδής καὶ κυκλότερες, hoc est, annulo similes & paulo rotundiores. Simile quoque observatum Theophilo, loco supra allegato, L. iii. de Fabr. Corp. Hum. Cap. 13. Atque ad haec in nostra versione respeximus, quod priores Interpretes paulo obscurius sensum expressisse videbantur. - Unus Lindanus in Med. Phys. c. VI. §. 193. mentem senis assequutus videtur, ita verba vertens: ex annulis constituta consimilibus, talibusque apta, qui undique inter se superficietenus sunt colligati. In ipsam tamen Editionem hanc versionem non transtulit: adeo videt meliora, deteriora sequitur.

II. Ipse vero pulmo coadimplet fornicatam pectoris capacitatem, ad sinistra conversus; quinque habet prominentias, quas lobos appellant: cinereum colorem nactus est; notis subobscuris dispunctus, & naturâ favi ad instar cellulis distinctus.

III. In ipsius autem medio cor collocatum est, rotundius constitutum, quam in omnibus est animantibus.

mnino, hanc vocem non satis emphatice posse in Lingua Latina reddi, sicut & multae aliae non possunt, de quibus Seneca inprimis, & ipse Cicero conquesti. Interim tamen Cornarius satis concinne eam expressisse videtur, quem & nos sequuti. Frequentius vero Noster ejusmodi Decompositis, ut

Grammatici loquuntur, delectatur, quae ipsi quasi propria & apud alios Auctores vix inveniuntur, ut jam quoque Galeno notatum: Tale v. g. est verbum *περιζαδυνατίζειται* in Coac. praenot. & alibi &c. quod & observavimus in Herodoto Hippocrati *συγχρόνῳ*, ut nihil de poëtis dicam, quos imitatum saepius fuisse Hippocratem alibi diximus, & alibi, cum Deo, probamus.

Sequens in textu *χέλυσ* proprie est testudo, sive reptile illud amphibium scuto satis valido armatum; post instrumentum musicum, & denique machinam fornicatam significat. Hic autem fornicatam pectoris capacitatem denotat, uti in nostra versione bene nos expressisse opinamur. Nicandri Scholiafles ad Alexipharm. v. 81. *Δὲ χέλυσ* per testudinem, exponit *Δὲ τῇ στήθεις* per pectus, quale & apud Hesychium legitur. Hinc & *χελύσσειν* & *χελύσσεισθαι*, *ἀναχελύσσεισθαι*, item & *χελῦσαι* (quod rectum est, nam *χελῦς* *μουσικὸν ὄργανον*, est apud Hesychium, adeo ut fallatur Lindanus, qui in *χελύσσειν* temere mutavit,) per *βήσσειν*, tussire, exscreare, expectorare, idem exponit Hesychius & laudatus Nicandri enarrator, qui ex ipso nostro Hippocrate locum allegat: *ἀναχελύσσειται καὶ ἐρυγγάνει θάμινά*: inde & Galenus *χελύσκειον ξηρόν* (ita enim legendum exponit per *βηχίον βραχύ*, brevem tussiculam; idem in Glossis: *ἀναχελύσσειται*, (ita enim quidam Codd. recte habent pro *ἀναχελύνεται*, ut observat Foësius) exponit *ἀναξηραίνεται*, exsiccatur, quod suspectum, imo falsum est. Legebam aliquando: *ἀνωξηράνεται*, ubi superne sive per guttur arida (tussim aridam vocant) evacuantur, expurgantur; satis quidem, opinor, apposite: sed legendum potius: *ἀνέξερα*, *ινείται*, aut una voce *ἀνέξεραται*, h. e. educit, evacuat, evomit, exeret, evacuat, depletur &c. posset quoque legi: *ἀνω ἐξεραται* superne, nempe per fauces, *evacuatur*, *educitur*, quod cum expositione Hesychiana optime concordat. (de hoc verbo *ἐξεραται*, quo & ipse usus est Hippocrates, Dioscorides alique, item *κατεξεραται*, quo Arrianus ad Epictetum utitur, varia haecenus ignota notavit Gatakerus, Advers. Miscell. posthum. c. XLI. p. 854. seqq.) Porro Erotianus *ἀναχελύσσειται* (ita enim recte legit Foësius pro corrupto *ἀναχελύεται*,) scite quoque reddit per *ἀναπνέει*, respirat: Spartanos autem imprimis *χελύττειν* & *χελύσσειν* pro *βήττειν* & *βήσσειν*, tussire, usurpasse testis est Clem. Alexandrinus in Protrept. ut ad Hesychium notavit Soping. Vide quoque de his Foësius in Oecon. & Lindanum l. f. c. Videtur autem allegoria *τῇ χέλυσ* ἀντὶ τῇ στήθεις, ex eo potissimum deducta; quod thorax regia vitae viscera, cor puta atque pulmones, ad instar testudinei scuti, ab omni externa injuria facta tecta conservat, unde & *θώρακος* sive *thoracis* h. e. *loricae*, *munimen*ti, *turris* nomen; & Plinius L. XI. c. 37. *pectoris musicae testudinis*, ad sonum articulate edendum plurimum conferat, unde & pectus Aristoteli aliisque *ὄργανον*, & nostro Hippocrati ipsi in Libro de Loc.

in Hom. pluries *κίθαρος*, venustissime dictum est; (*χέλυσ* enim idem ac *κίθάρα*, ἀπὸ τῆς ὀστράκας χελώνης, *κίθάρα γίνεται*, inquit Hesychius, & *κίθάρα* idem ac *κίθαρος*, teste eodem & Athenaeo, ut ibi in Notis observat Gronovius: est autem *κίθαρος* vox Dorica, de qua Erotianus & Foësius in Oecon. plura:) imprimis legi hic meretur Theodoreti sermo III. de Providentia, ubi perbelle de thoracis & pulmonum vi musica loquitur, atque ex hac hominis conformatione naturali, artem deinde testudines & instrumenta musica componendi inventum esse ingeniose observat. Vide & Steph. Morinum in limine incomparabilis de Lingua primaeva operis, nec non Jo. Dan. Mejeris breve consilium de concipienda Anatome nova.

6. Modo dixerat, pulmones omnem thoracem *συνεζαναπληρῆν*, quod & verum: hic autem eosdem *ἐς τὰ ἀριστερὰ τετραμμένους* in sinistram tantum partem conversos esse, aut sinistrorsum versus spectare, (sic enim Thucydidi vox *τρέπεσθαι* sumitur, & *τετραμμένους* exponit: *πρὸς αὐτὰς τὰς ὀψεις ἐχέσας*,) liquido affirmat: quod contradictorium videtur, immo & falsum. Quare Lindanus ita locum legere praecipit: *Εἰς δὲ τὰ δεξιὰ καὶ τὰ ἀριστερὰ τετραμμένους*, in dextrum sinistrumque divisus: pulmones enim mediastini interventu, in dextrum sinistrumque Lobum, aut *fibrum*, ut Celsus loquitur, dividi, notum est, & ipse Hippocrates in Coac. praenot. *τὰ ἀμφότερα τῷ πνεύμονος μόρια*, ambas pulmonis partes commemorat. Inde Lindani lectionem reiciendam penitus non esse liquido adparet: eandem tamen cum ipso in textum recipere adhuc dubito; cum quia paulo audacior; tum quia codicum deficit auctoritas, nec lacunae vestigium in iisdem conspicuum est. Minori longe negotio emendari, si necesse, posset: *ἐς τὰ ἀμφότερα*, aut *ἐς τὰ ἀμφίσερα*, aut *ἐς τὰ ἑμφω σέρα*, quae omnia apprime huc faciunt, τὸ enim *ἀμφίσερον* universam pectoris cavitatem quam pulmones aëre inspirato turgidi *συνεζαναπληρῆν*ti, significat; duas porro cavitates sive duo pectora efficere videtur medius mediastini paries; inde & *σέρα* in plurali frequentius legitur, ubi tamen de uno tantum thorace sermo est; vox ceterum *ἀμφότερα* eodem spectat, ut non indigeat Commentario. Sed nescio, ingeniosiorne sit quam verior isthaec emendatio, qua legerim: *τετραμμένους ἐς τὸ ἀρυσήρα*. *pulmo mutatus sive accedens ad hauritum*, h. e. *infundibulum*, sive *cyathum*, quo liquida hauriuntur. Nempe quid sit *ἀρυσήρα*, cujus origo ἀπὸ τῆς ἀρύεσθαι ab hauriendo, docebunt Athenaeus, Deipnos. L. II. Schol. ad Aristoph. Vespas. p. m. 492. Suidas & alii. Quum vero notum sit, pulmones & *liquidum aëra* haurire, & *liquidum potum*; ut quidem, quod ad posterius, crediderunt Veteres, (qua de re videatur Plutarchus Sympos. L. VII. c. 1. ejus plagiarus Macrobius, Saturn. L. VII. c. 15. Plato in Timaeo, Galenus de re Hipp. & Plinius L. VIII. & alibi, immo ipse Hippocrates Lib. de Corde, licet studiose confuter Auctor L. IV. de Morb. quod tamen qui commode inter se conciliandum, egregie ex Galeno docet Vir doctus ad Gell. L. XVII. c. 11. p. 777. Edit. Gro-

Gronov. Gellius, Anacreon alique poëtae inprimis) quod tamen vel superiore seculo Th. Bartholinus cum Jul. Jafolino denuo in scenam producere sustinuit, alique multi citati Guidotio in Prolegom. ad Theophil. de Urinis, ubi & ipse ab hac opinione haud alienus: eosdem quoque pulmones ea ex ratione ἀρυσήρας vocari posse, nihil, quod impediatur video, & quominus dicta mea veritatis specie destituantur, audiamus Rufum Ephesium fidissimum Hippocratis Interpretem, qui L. II. Part. Hom. c. 5. ita loquitur: ὁ δὲ πνέμων χώνης τρέπον ἐπέχων εἰς δίοδον πνέματος, pulmo infundibuli sive haustri vicem sustinet ad transitum spiritus; ita locus vertendus; qui enim χώνην per follem verterunt, nae illis
Immensa cavi spirant mendacia folles.

χώνην enim a χόεω descendens, vas fusorium sive infundibulum significat, & non multum abludit à superiore voce ἀρυσήρ. Quam verisimilia autem haec talia videantur, ita ut pauperiores Critici his reperiis Croeso & Crasso se ditiores, & Ganymede beatiores crederent; nobis tamen adeo necessaria non videntur, quibus vel locum in textu assignemus, vel diutius immoremur. Constat enim, veteres Medicos Anatomes non adeo exacte peritos credidisse, pulmones cordis motum sequi: is autem maxime sub sinistra papilla persentiscitur, quia cordis mucronem sive cōnum illuc tendere notum est. Quumque mihi hujus opinionis vestigia in Libello de Corde reperisse visus sim; malim credere, Auctorem hic levius errasse, quam asserere ipsum ingeniosis aut nostris aut Lindani nugis doctiorem & veraciorem reddi aut posse aut debere.

7. Non quidem ordinarie quinque lobi observantur; observantur tamen quandoque, ut Galenus L. VII. Adm. Anat. de Us. part. L. VI. & alibi, item Piccolhom. Riolan. Salzman. Rhod. Vesal. & ipse qui hos citat, Bartholinus animadverterunt. Secus enim pulmo in duos majores lobos, quos & πτέρυγας sive alas scite dixit Noster de Coac. Praenot. divisi, iterum in quatuor minores lobos dividi, ut notum, solent. Nescio sane cur hic Hippocratis nostro sententiam de quinque lobis pulmonum deseruerint plerique Anatomicorum. Ceu rarum enim quid quandoque observari scribit Galenus L. VII. Adm. Anat. de vi. part. L. VI. & alibi, cumque sequuti Piccolhomus, Riolanus, Salzman. Rhod. Vesal. & ipse, qui hos citat, Bartholinus. Quum tamen certum sit, in pulmone humano semper quinque dari distinctos, in quos ducitur, lobos, quod quidem, licet ubique verum, pauci tamen notarunt artis magistri, ut me per literas docuit Vir illustris & medicorum hodie facile princeps Herman. Boerhaave. Ceterum vocem ὑπερκορυφώσιν, quae & in seqq. occurrit, apud alium Auctorem, quam Nostrium, rarius forte invenias. Hesych. κορυφώσασθαι exponit per ἐκτελέσασθαι, finire: unde κορυφώσις erit τελειή, sive quod Hippocrates ipse, ex eo, quem imitatur, Homero habet τέλειον, extremitas. Per Lobos vulgo explicant, uti mox sequitur, λοβοὶ enim τὰ ἄκρα πάντα, testibus Hesychio, Polluce &

Suida, significant, per τὰ κατὰ μέγεθος reddit Etymol. M. Latine Fibras reddunt Plinius, Celsus & alii, optime sane: Nam Fibrum, extremum veteres appellasse observat Varro L. IV. de L. L. c. 13. ubi divus & divinus Jos. Scaliger adnotat, fibram sive fibrum venire à finire, ut fabrum à facere: quae & notata sunt Lindano c. VI. §. 180. Med. phys. Plura ex Festo, Philoxeni Glossis & aliunde desumpta vide apud Bochartum Hieroz. p. I. L. II. c. 45. p. 801. quamquam Salmasius haec nugae vocat, atque fibrum sive fibram potius derivandum censet ex Graeco διβρὸν, ex quo Aeoles more suo postea fecerunt φιβρὸν, quod idem est ac molle, sive delicatum &c. vide ipsum Exercitat. Plin. p. 131. sed nobis Varronis & Scaligeri alterius Varronis, sententiam magis placere, diffiteri non possumus.

8. Sequitur Rufus Ephesus, qui L. II. c. 5. pulmonis colorem aequae τεφρὸν καὶ ὑπόλευκον, cinereum & subalbidum esse asserit: sed eum esse naturalem pulmonum colorem merito negant Lindanus, Bartholinus alique; nam potius in aegris ita observatur; quum in sanis sit ordinarie ex pallido-flavescens, aut ex albedo-rufescens, quem colorem Helvum Veteres Latini, Festo auctore, vocarunt. Quum tamen quosdam cineres, v. g. Turvarum, ut observat Lindanus, ejusmodi colore heluo h. e. ex pallido-rutilante tinctos videamus, ad illos speciatim Nostrium respexisse credibile est, atque hinc nihil, quod reprehendatur, in hoc certe commisit. His accedit Vesalii testimonium, qui se quandoque pulmones fusco colore imbutos observasse memoriae prodidit.

Verba textus sequentia: σήμασιν ὀφρῶδεσι κεκεντημένῃ ita in textum ipsum recepimus, quomodo à Foëssio & Aemilio Porro καλῶς τε καὶ ἀγαθῶς τε fuerunt emendata, quum antea in omnibus Codd. legeretur: σήμασιν ὀφρῶναγέσιν; quod, quid sit, nemo interpretum hariolari valuit, nec ego me illud divinaturum confido. Interpretes tamen per cavernosum reddiderunt; quare? non definio. Foëssii ergo lectionem merito amplector. Est enim (en ipsius verba,) in pulmonis colore inaequalitas, ut subfuscus quidam candicante rubore color inesse videatur, & praeterea notis veluti quibusdam stigmatibus, fere subnigricantibus obnubilatus, aut tanquam nubium lineamentis conspersus ac distinctus. Verum Lindanus haec falsa esse, atque in iis tantum vera, qui Nicotianae fumum in pulmones dimittere soliti, proclamant; saltem ut suae emendationi, quam adeo in textum recipere ausus est, hoc fuso & fumo aliquem favorem conciliet. Legendum enim contendit: σήμασιν ὀφρῶδεσι, punctis spuriosis, easque vesiculas intelligere vult, quae tum in tota pulmonis superficie tolluntur, quando pori ejus frigore obturantur, à vaporibus autem exire gestientibus membrana inflatur: Vide ipsum pluribus Med. Phys. c. VI. §. 183. p. 244. Quis vero hic non animadvertat, hanc Lindani lectionem & explicationem Foëssiana non solum non meliorem, sed & adeo longe deteriorem esse? Hippocratem enim de pulmone in statu suo naturali constituto, non autem refrigerato jam, & calore suo privato, in quo ejusmodi vesti-

culae spumosae conspiciuntur, loquutum esse ea evincunt, quae de reliquis visceribus differunt. Quod vero praeterea Foësius insultat, sine causa fecit & sine ratione: primo enim ille illa pulmonis puncta non adeo crasse nigra & obscura; sed *ferè nigricantia & subfusca* nuncupavit: secundo, quod maxime notari hic meretur, pulmones *marmoris instar variegatos* in satis sanis observavit Th. Bartholinus; hoc autem idem est ac si cum Nostro diceret: *σίγμασι ὀρφνῶδεσι κεκεντημέναις, σίγματα* enim Hesychius per *ποικίλματα* sive *variegationes*, ut sic loquar, recte exponit. Ex quibus nunc patet, Lindanum potius ipsum esse reprehendendum, quem & ea propter cum *spumosa* sua emendatione exfulare merito jubemus.

9. Et hanc egregiam Emendationem Foësius debemus, atque Aemilio Porto, quam ceu verissimam, post Lindanum, in textum recepimus merito, quum antea in Codd. sine ulla ratione legeretur: *τε θρηνώδες*, pro quo olim Cornarius *ἀνθρώδες* legit, ut ex ejus versione patet, non tam à sensu, quam veteri scriptura longius recedens. Est autem vox *τενθρηνώδες*, ἀπὸ τῆς *τενθρηνίης*, h. e. *κηρίης*, sive favo, aut nido ex cellulis constructo insecti cujusdam aculeati, vespae similis; mellificantis tamen, sive uno verbo, apis silvestris, quod *τενθρήνην* vocat Nicander v. 545. *Alexipharm.* Aristoteles autem L. IX. *Hist. Animal.* c. 43. *Τενθρηδῶνα*; ita enim recte definit Hesychius, per *ζῶον τῶν ἐντόμων καὶ κεντροφόρων, ὃν ἀπλῆσιον σφηκί· ἐνιοὶ ἀγρίων μέλισσαν*. Hinc igitur vox *τενθρηνώδες* descendens aliquid favi ejusmodi ad instar cellulis & alveolis distinctum significat, ut in versione expressimus; aut si uno verbo velis, *teredinarium* dicas cum Scaligero patre & Gaza, aut *teredinosum*, etsi una voce vix satis commode reddi potest, multo minus *perforatum*, ut Foësius fecit Calvum sequutus, hincque à Lindano non injuria notatus. Supra laudatus Hesychius *τενθρηνώδες* exponit per *πολὺ καὶ κενὸν κηρίον καὶ ἀραιὸν*, quamquam haec paulo aliter in suum Glossarium transiit Varinus, quod & notatum Foësius. Plutarchus quoque *Sympos.* L. VIII. c. 3. hanc vocem per *πολύκενον* & in *Quaest. Plat.* VI. per *πόρος καὶ ὄμιος ἔχειν*, optime exponit, nisi quod ibi *τενθρηνώδες* legatur, quod in *τενθρηνώδες* mutare non ausim, quum & hoc genuinum esse possit, ut vel ex hoc Aeliani loco, (suavissimi hercle Auctoris, quemque cum hactenus nullo suo merito plane neglectus fuerit ab Eruditis atque desertus, innumeris locis correctum & emendatum edituri sumus σὺν Θεῷ!) quem cum bona lectoris, ut spes est, venia hic emendabo, dilucidius patebit: Locus legitur L. XII. c. 20. *Hist. Animal.* in hunc quidem modum: οἱ δὲ ἄκρωτες ταῦτοι τὸ θρηνώδες, ἔτι δὲ ὀνομάζει Δημόκριτος ἐπὶ τῷ βρέγματι ἔκ ἔχοντας (εἴη δ' ἂν σπαραγγῶδες λέγων) ἀντιτύπας τῇ παντὸς ὄντος ὁρῆς, h. e. infelici Gillio feliciter satis interpretante: Mutili boves Threnodes, ut Democritus vocat, id est, foraminulentam cranii partem & poris sive meatibus plenam non habent, sed os universum solidum.

Nihili hic esse vocem *τρηνώδες*, vel ex praefixo obelo liquet. Gesnerus in margine *τρημῶδες* legere vult pro *τρηματῶδες*, vel & *τεμπῶδες* (ipsa haec emendatio emendanda, nam *τεμπῶδες* debebat scribi,) ἀπὸ τῶν *τεμπῶν*, h. e. teredinibus ligna terebrantibus & perforantibus: quae huic loco oppido quidem convenirent, nisi in priore lectione duriutculum paullo cognoscerem contractionem; in posteriore autem detortum aliquanto significatum. Legendum itaque mihi certo certius videtur pro corrupto illo *θρηνώδες*, *τενθρηνώδες*; ut apud Plutarchum est, aut *τενθρηνώδες*, ut apud nostrum est Hippocratem & Hesychium, quanquam prius priscæ scripturae vestigiis pressius paullo infistit; quam meam lectionem vel ipsum adjectum Scholion: *σπαραγγῶδες* h. e. fistulosum, foraminulentum, (per *χαῦνον* enim, *ἀραιὸν καὶ πολλοῖς τρήμασι διηρημένον* vocem *σπαραγγῶδες* recte exponit in Exegeſi Hippocrat. Galenus) egregie confirmat. Sed nunc è diverticulo iterum in viam. Hippocrates igitur, quando significanter pulmones *φύσει τενθρηνώδες*, h. e. *naturaliter*, (seu quod idem, quod compagem & conformationem, quomodo *φύσεως* vocem saepe sumſit Noster, de quo alibi ex instituto plura dicta sunt,) in *cellulas distributos* vocat: non tam ad Tracheae & arteriae pulmonalis per pulmonem ramificationes; quam potius ad universam pulmonis substantiam, puta *fistulosam & vasculosam*, quam acutissimus Marcellus Malpighius nostra aetate se primum detexisse opinatus est, respexisse videtur. Quod enim Hic ita ad Sagacissimum Borellium transcripsit: *Diligenti indagine adinveni, totam pulmonum molem, quae vasis excurrentibus appenditur, esse aggregatum quid ex levissimis & tenuissimis membranis, quae extensae & sinuatae paene infinitas vesiculas orbiculares & sinuosas efformant, VELUTI IN APUM FAVIS*, (notentur haec quaeſo,) *ALVEOLIS ab extensa cera in parietes conspiciuntur*: Hoc inquam Hippocrates per unicam vocem *τενθρηνώδες*, favi ad instar cellulis distinctus, exquisitissime indicasse mihi videtur. Et ne putemus, hoc uno loco, qui ob Auctorem non satis notum, in controversiam vocari posset, divini Senis tantum niti auctoritatem: en alium ex Lib. *περὶ σαρκῶν*, §. IX. ubi de pulmonis conformatione in huncce modum loquitur: *Ἡ καρδίη τῷ ὑγρῷ κολλῶδίστατον θερμαίνεσθαι ταχὺ ἐξάραιεν ὅπως αἰθρὸν καὶ ἐποίησεν σπαραγγῶδες, καὶ φλέβια πολλὰ ἐν αὐτῇ: Cor ex humido glutinosissimum calefaciens cito exsiccat veluti spumam, & fecit illud foraminulentum venulasque praeterea in ipso plurimas*. Vides hic ipsum pulmonum corpus statui *σπαραγγῶδες*, hoc e. idem, quod *τενθρηνώδες*, ut Aelianus nos supra docuit: vides porro, venulas per pulmones dispersas sollicite ἀπὸ τῆς *σπαραγγῶν* separari; illa enim *φλέβια* αἵματι *σπαραγγῶν* τέσσεται, h. e. per substantiam pulmonum vesiculosam & fistulosam feruntur. Porro Noster Lib. de *Vet. Med.* §. XL. pulmonem *σπογγοειδέα*, sive Spongiformem vocavit, & in Lib. de *Ven.* §. XIX. eundem dixit *σπλάγχνον σπογγοειδές*, sive *viscus spongiforme*. Possem plura hujus sensus loca ex Lib. IV.

IV. de Morb. de Loc. in Hom. & aliunde allegare, nisi haec sagaci animo satis esse crederem. Verum non Hippocrates solum; sed & qui tantum ducem sequuti, ejusmodi vasculosum corpus pulmoni attribuerunt. Plato in Timaeo, πνεύμονος ἰδίαν σύειγγας, aut, ut Galenus rectius legit, σήραγγας ἔχειν ait οἷον σπόγγας κατετρημέναις; de quo loco legendus laudatus modo Galenus L. VII. de Dogmat. Hipp. & Plat. circa fin. item Athenaeus Deipnos. L. XV. p. 688. Hunc ingratus & erga praeceptorem Platonem, & nostrum pariter Hippocratem sequutus est discipulus Aristoteles, qui L. III. c. 6. de Animal. part. & alibi, pulmonem σποφόν five spongiam vocat, eique σποφότητα adscribit. Asclepiades, Plutarcho Auctore de Pl. Ph. IV. 22. λεπτοτάτης πόρος in pulmone agnoscit, & apud eundem Sympos. VII. 1. Plato laudatur, quod sciverit τὸν τε πνεύμονα σήραγγας ἔχειν καὶ πόροις εἶναι κατατρημένον, quae Macrobius, qui plurima, ut notum, ad verbum ex Plutarcho furatus est, ita transtulit L. VII. Saturn. c. 15. *pulmo tot meatibus distinctus est, & interpretet rimis.* Inprimis autem huc Aretaeus facit, qui L. 1. de Caus. Chron. c. 10. pulmonem vocat *μακρὸν, πολύτετον καὶ σπογγήϊκελον, rarum, multiformum & spongiae similem*; tale & alibi habet. ut & Rufus Ephesius; Nemelius c. xviii. de Nat. Hom. pulmonis carnem ἀφρώδεια σπυγμοσαν, vocat: Auctor Introduct. Anat. Gr. c. XLI. pulmonem σποφόν καὶ συείγγαν πλήρη appellavit, & Theodoretus Serm. III. de Provident. σπογγοειδὲς καὶ πολύπορον & πνεύμονος σῶμα pronunciavit: Nihil jam de Galeno dicam, apud quem plurima in hunc sensum loca deprehendere licet. Similiter & Celsus L. IV. c. 1. pulmonem *spongiosum* dixit, & luculentius adhuc Plinius L. XI. c. 37. *pulmo est spongiosus & fistulis inanibus caviis*, adde Ciceronem L. II. de Nat. Deor. Sed haec sufficiant, nisi, quod vereor, plura jam dixerim, quam ut sufficere possint. Patet interim ex haecenus dictis Malpighii inventum haud adeo esse novum, quam quidem credidit, licet eum rem subtilius longe ac studiosius, quam veteres demonstrasse, nulli negemus: adeo, ut Comici istud huc commode quadret; quod scilicet *nihil dicatur, quod non dictum sit prius.* Superfedere autem hoc labore jure hic potuissim, nisi & Almelovenius in suis Inventis Nov-Antiquis, & Sponius in Aphorismis Novis, hoc Caput; ut plura alia, suo tempore à nobis demonstranda, plane intactum intentatumque reliquisset. Vidi tamen postea, haec quoque in mentem venisse Th. Bartholino, cujus vide Librum de pulmonibus Sect. 1. seqq.

10. Quod hic per ἐγκαθίδρυται effert, eleganter in Lib. de Corde ita exprimit: τὴν ἔδρην ἐμπεποίηται,

sedem fixit: Hinc Democritus καρδίαν βασιλίδαν, veluti τῇ ἔδρῃ ἐγκαθιζομένην five folio suo infidentem scite vocavit. Inprimis pia sunt & ingeniosa, quae saepe jam laudatus Theodoretus Serm. III. de Provident. p. 50. 51. de corde differuit, quae, quia liber iste non omnium manibus teritur, digna sunt, quae huc transcribantur: ὁ δημιουργὸς καρδίαν κυριώτατον ἔσαν μόριον, καὶ τὴν ἡγεμονίαν τῷ σώματι πεπιστευμένην, καθάπερ τινὰ βασιλέα πάντοθεν περιφράττει, καὶ ἀξίβητον αὐτῇ ἰσχυρὸν τὸν θόρακα ἀξιοτιθῆσιν, ἵνα μηδὲν αὐτὴν ῥαδίως τῶν ἑξωθεν προσπιπτόντων λυπῇ. h. e. Summus Creator Cor, ut praestantissimam partem, quaeque corporis imperium sibi habeat conceditum ceu regem quendam undiquaque circumvallat, ipsique validum murum, pectus videlicet; circumponit, ut hac ratione nihil externarum injuriarum adeo facile ipsum conturbare possit: similia his passim apud Galenum Libb. praecipue de Us. part. it. de Dogmat. Hipp. & Plat. L. II. & alibi invenias: eleganter quoque Plinius L. XI. c. 37. *Cor Costarum & pectoris muro munitum* vocavit, adde Ciceronem sup. cit. de Nat. Deor. Est autem allegoria petita à deorum dearumve statuis, quae in medio templo collocabantur; ut ex illo Maronis notum:

In medio mihi Caesar erit, templumque tenebit
qui & Aeneidos l. de Didone:

Tum foribus Divae, media testudine templi
Septa armis, folioque alte subnixa refedit.

ut de aliis locis taceam, res quippe satis nota. Et hoc, quem dixi, significatu, invenitur verbum ἐγκαθίδρυται apud Diodor. Siculum L. V. & alibi, item apud Lucianum, Lib. de Amoribus, & aliis quoque locis hinc inde occurrentibus.

11. Addidit hic Cornarius ἀρμηκεῖς, sine auctoritate; sed & sine necessitate. Retinuit tamen in versione Lindanus, quamvis in ipsum textum non receperit, quem puerilem lapsum sexcenties commisit, & jam aliis & mihi quoque nuper fuit notatum: Foësius autem in Notis hoc quidem monuit; sed in ipsum Textum recipere merito repudiavit. Immo boni Cornarii liberalitatem ipse redarguit Auctor Introductionis Anat. c. XXXIX. hisce quidem verbis: τότε ὅλον καρδίας εἶδος & ἀρμηκεῖς εἰναι, ἀλλὰ στρογγυλότερον; Tota Cordis figura non tam oblonga est, quam rotunda; quae ex Aristotele transmutata quin sint, nullum relinquitur dubium, cujus en verba ipsa ex Hist. Animal. L. 1. c. 17. τὸ ὅλον καρδίας εἶδος & ἀρμηκεῖς εἰναι, ἀλλὰ στρογγυλότερον. Rufus etiam Ephesius L. II. c. 8. καρδὴν τῷ σχήματι στρογγυλοειδῆ, *Cor formaturbinatum*: quicum conferas Galenum Libb. de Us. part. & de Administ. Anat. &c.

IV. Ἀπὸ δὲ καρδίας εἰς ἥπαρ βρογχίη πολλὴ καθήκει (12) καὶ μετὰ βρογχίης φλέψ μεγάλη καλυμένη, δι' ἧς ὅλον τὸ σκῆνος τρέφεται. (13)

IV. A corde ad Hepar arteria Cartilaginea ampla tendit; & cum hac cartilaginea arteria, Vena, quae magna dicitur, per quam universum corporis tabernaculum sustentatur.

12. Reduximus hanc antiquam lectionem cum Foëfio, quam sine fontica causa exturbaverat Casp. Hoffmannus L. I. de Thorace, c. 7. apud Lindanum Med. Phys. c. xvi. §. 202. p. 806. haec nempe illius loco substituens. ἀπὸ δὲ τῆς καρδίας ἐς ἥπαρ βρογχίη καλεῖται φλέψ, μεγάλη καλευμένη: satis quidem ingeniose; si satis vere. Quae Lindanus miro, pro more, novitatis studio impulsus, ex templo arripuit & in ipsum textum temere intrusit: sed sine necessitate, ut dixi. Hanc enim, quam restituumus, Lectionem jam Galeni aetate approbatam fuisse, testatur ejusdem Glossarium, ubi βρογχίη (ut recte emendat Foësius pro βρόγχι,) explicatur per ἀρτηρίαν χονδρώδη, five arteriam cartilagineam; quo ad praesentem Hippocratis locum respexisse Galenum, nec Foësius dubitavit, nec nos dubitamus. Summe autem injurii cum Hoffmannus, tum Lindanus hic in optimum fuere Foësium, quando eum haec de arteria aspera interpretatum fuisse arbitrati sunt. Quis enim, obsecro, credat, excellentissimum illum Medicum in re Anatomica adeo puerum, immo infantem fuisse, ut arteriam asperam è corde egredi, atque dein hepar ingredi pudendo adeo errore tradiderit? quum certum potius sit, utrosque hos Foëfio-mastigas, doctissimum Virum non intellexisse; sed potius, quum ista legerent, coecutiisse, immo limis lippisque oculis ejus Oeconomiam inspexisse. Ibi enim aperte docet, quam ex ratione Galenus βρογχίην per χονδρώδη ἀρτηρίαν explicuerit: scilicet, quia istud βρογχίη derivavit ἀπὸ τῆς βρόγχε, h. e. arteria aspera (ut in limine explicuimus) quam ἐν τῇ βρογχίῳ, h. e. ex annulis cartilagineis compositam esse omnibus constat, de quo & in antecedentibus à nobis actum. Dixit igitur Foësius (en ejus verba!) βρόγχεον arteriam asperam significare, quod plurimis βρογχίοις, five corpusculis cartilagineis constet: non vero βρογχίην in hoc nostro loco, quam vocem potius significatum suum ab illo βρόγχε quodammodo mutuam fuisse, ita ut eam per arteriam quandam cartilagineam in genere (non autem arteriam asperam cartilagineam in specie,) interpretaretur Galenus, rectissime asseruit. Ceterum nec ipse quoque Cl. Dan. Clericus hunc locum intellexit, sed & ne recte quidem legit; apponam ipsius verba ex Hist. Med. Part. I. L. III. c. 3. p. 128. Hippocrate. remarque que plusieurs bronchies (βρογχίαι) passent du coeur dans le foye, & avec ces Bronchies la grande veine, par laquelle tout le corps est nourri. Quae contra mentem Hippocratis. Sed hoc de verbis; jam tandem ad res; quid enim per βρογχίην; quid etiam per φλέβα μεγάλην intellexerit Auctor, multum refert ut uberius paullo hic edoceatur. Puto ergo, per βρογχίην significasse τὴν κοίλην five venam cavam, per φλέβα μεγάλην autem τὴν πύλην, five venam portam aut portae, quam & ostiariam vocare solent: ὡς πεφύκασι γὰρ τῷ ἥπατι αὐταὶ δύο φλέβες μέγισται, ἡ μὲν καλεῖται πύλη, ἡ δὲ κοίλη, h. e. Adnatae enim sunt Hepati, haec duae insignes & amplae venae, quarum una porta, altera cava dicitur, verba sunt Auctoris Intro-

duct. Anat. c. xix ex Aristotele, quicum confertur Galenus, L. VI. de Pl. & Hippocrates it. Lib. de Ven. & Arter. Dissert. Scio quidem ab his horumque affectis, venam cavam ordinarie fere vocari φλέβα μεγάλην, venam magnam, quia & revera maxima est & amplissima: sed an ista denominatio jam Hippocratis aeo fuerit recepta aequè potest dubitari, quam affirmari; magis tamen dubitari. Videtur igitur, venam portae hic potius μεγάλην five magnam vocatam esse, quia post venam cavam omnino maxima est in tota corporis machina. Immo & ipse Galenus eam vel simpliciter μεγάλην, magnam, aut cum additione ὡς πύλης aut ἐπὶ τῇ πύλει, variis in locis observante Lindano, Med. Phys. p. 807. cavam autem ad illius differentiam, μεγίστην five maximam locis supra citatis vocavit. Et quid multa? ipse Hippocrates, hic βρογχίην five venam cavam, πολλὴν h. e. spatiosam, amplam, maximam significanter appellavit, (ita enim hanc vocem hic reddi potius conveniebat, ut à nobis quoque in versione observatum, quomodo à Thucydide, Aeliano & aliis bonae monetae Auctoribus usurpatur, πολὺ γὰρ ἀντὶ τοῦ μέγα, exponit Hesychius quam per multam; sicuti inconsulte factum fuit ab interpretibus omnibus & ipso quoque Dan. Clerico, ut supra notatum) quod optime respondet descriptioni in Libro de Carn. ubi eam venam κοιλωτήν, cavissimam vocat, ad distinctionem videlicet venae portae; quae κοίλη tantum five cava vocatur. Aristoteles etiam scite appellavit πλατῆαν, five latam, amplam, spatiosam, ita ut haec vox, quod ad significationem, accurate respondeat voci πολλῇ, utramque enim spatiosum & amplum significare notum est. Haec igitur βρογχίη πολλῇ, eadem vena est, quam Libro de Ven. Epid. II. & alibi vocavit Noster Ἡπατίτην five Jecorariam; ubi enim vena cava αἵματι ἐς τὸ ἥπαρ, ad hepar infilit, ut ibidem loquitur, aut, ut rectius dicam, aliquantisper tantum ad hepar divertit, nomen Ἡπατίτιδος, five Jecorariae, item Hepatariae indispiscitur; quod tamen una cum abitu ex hepate iterum amittit: videatur Galenus, Comm. II. in L. de Nat. Hum. it. de Foet. Form. de Venar. & Arter. Dissert. ut & Rufus Ephesius, L. I. c. 33. sed nunc difficultas non levis oboritur, cur nempe Hippocrates Venam cavam hic arteriam; & cur cartilagineam dixerit; & an recte fecerit. Possem hunc nodum statim diffecare, si Galenum hanc vocem βρογχίην haud recte explicuisse asserere vellem; sed malo eum solvere. Quod ergo ad prius, notum est, quam saepe Veteres arterias cum venis confuderint, utrasque scilicet συνωνύμως sumendo, qua de re alibi à me dictum fuit. Verum mittamus hoc, tanquam ad involvendum magis Hippocratem, quam evolvendum idoneum. Videtur scilicet vena cava non inepte inter arterias quodammodo referri posse, cum ratione tunicae, tum ratione motus & pulsus. Tunica eam satis crassa ac densa esse indutam, nemo in dubium vocare potest: motum autem intestinum habere, aut saltum quemdam ἀρτηριώδη

mentiri, per transfennam & nebulam quasi jam viderunt Aristoteles c. 20. de Respir. atque Galenus. L. vi. de Us. part. & loc., immo ipse Hippocrates, Lib. *περὶ Σαρκ* & alibi: manifeste autem patrum nostrorum memoria observarunt Walaeus, Entius, Sylvius, alique Bartholino teste: vide Hofmannum, Comment. in L. VI. c. 16. & 17. Galenum de Us. Part. n. 397. Ideoque nihil erravit hic Hippocrates, quum venam cavam arteriae nomine insigniret, eo scilicet respectu, quod arteriarum instar, & tunicam crassam haberet, & motum quandam *σφυγμοειδῆ* referret. Sed nunc ad posterius: unde scilicet & utrum vena cava vocari possit *χονδρώδης*, five *cartilaginosa*? Hic ante omnia sciendum, vocem *χόνδρον*, five cartilaginem non sensu suo rigido, sed paullo *laxiore* esse accipiendam, ita nimirum, ut integumentum, five partem corporis membranis spissiore & solidiore, cartilaginibus vulgariter sumtis flexiliorem, & ossibus denique longe molliorem, hic intelligamus. Et memorabilis in hunc sensum legitur Locus §. XVII. *περὶ Σαρκ* ubi τὰ βρόγχια five corpuscula cartilaginosa, (de qua voce haec ipsa *βρόγχιν* descendit ut supra monitum) in sequentibus explanat Hippocrates per *χονδρίον μαλακὸν ὥσπερ σπόγγον*, *cartilaginem spongiae in modum mollem*. Quibus praemissis, vocem *χονδρώδης* hic non secus, quam per *παχέαν* five *crassam* reddi oportere, liquet: Ita enim Noster L. de Ven. ut & de Morb. Sac. Venam & cavam & arteriam magnam, nempe *φλέβας παχείας* *venas crassas* nuncupat; sicut & Cael. Aurelianus priorem eodem modo *crassissimam* vocavit: unde & illud rursus infertur, Hippocratem Aortam & Venam cavam pro homogeneis, sibi invicem similibus habuisse. His accedit denique, quod Highmoro Auctore, *siriga quaedam cartilaginosa in medio venae cauae transversim emineat in medio ostii ad cordis ventriculum ducentis aliquantum oblique adstans*, ut verbis Bartholini utar, adeo, ut hujus respectu, vena cava *βρόγχιν*, five arteria *χονδρώδης* cartilaginea omni jure vocari possit. Et haec de vena cava. De *vena porta* nihil dicere attinet; nulla enim hic caligo, praeterquam, quod utraeque hae magnae venae per tubum quemdam venosum à Bauhino primo observatum, qui è portae finu in cavam tendit, jungantur, ut alias hujus utriusque principis venae anastomoses taceam, quas parallelas, cruciatis, mixtas & obliquas Bartholinus vocat, ab Harveo quidem, Riolo aliisque in dubium vocatas; sed jam olim ab Erasistrato atque Galeno observatas, & à Lindano, imprimis autem laudato Bartholino, uberius assertas & elegantischemate delineatas. Unde lux affunditur istis Hippocratis verbis in nostro textu: *μετὰ βρόγχιν φλέψ μεγάλη καλεούμενη*, una cum vena cava, vena magna (aut Porta) dicta, hepar ingreditur. Sed jam tempus est, ut ad hancce *Portam* subsistamus. Patere autem ex haecenus dictis confido, Hofmannum frustra hunc locum tentasse; & Lindanum eam emendationem gratis Textui suo intulisse.

13. Ita solenne est Hippocrati, Daedaleam cor-

poris nostri machinam eleganter vocare. Sic v. g. Aph. XVIII Sect. VIII. *σώματος σκῆνος* habet, imprimis autem locus ex Lib. de Corde huc pertinet, ubi eodem, ac hic, modo, de venis universum corpus perreptantibus, ipsique salutarem liquorem instillantibus, ita loquitur: *οἱ ποταμοὶ ἀπὸ τοῦ σώματος τοῖσιν ἀρεταῖται τὸ σκῆνος*, *hi sunt fluvii per corpus, quibus ejus irrigatur tabernaculum*. Restituenda quoque haec vox in altero obscurissimo de septimestri partu, Libro, ubi pro monstroso *σκιστὶ ἐπτάμηνα*, certo certius legendum est *σκῆνα ἐπτάμηνα*, ut ex contextus serie patet. Sed non Hippocrates noster solum bellissima hac allegoria usus est: verum & plerique veterum usi sunt. Sic Democritus in Epistola ad Hippocratem, *ἐλομελίην ἔ σκῆνας* observandum esse monet, ut & Aretaeus L. II. c. 6. de Acut. Sic & Ocellus Lucanus in Fragment. de Leg. Timaeus Locrus de Anima Mundi extrem. Plato de Morte, Aelianus Hist. Animal L. V. c. 3. & L. 9. c. 33. Nicander in Theriac. V. 742. alique plures, imprimis Pythagorici, similitudine ista delectantur. Legi quoque potest Stobaeus Serm. CXIX. de Laude Mortis item Serm. CXXII. p. 612. item & Photius in Bibl. p. 486. seqq. & Helychius, p. 845. conferatur quoque Steph. Monachus Var. Sacr. T. II. p. 631. Bochartus, Hierozoic. P. II. L. 4. c. 10. p. 503. & Bartholinus Adversar. L. XLIV. c. 9. p. 2004. ut nihil de Philone, Theodoto aliisque, & patribus dicam, apud quos hac expressione nihil fere frequentius, prout id pluribus demonstrabo ad Dougt. Analect. Sacr. P. II. Excurs. LXXXII. ubi & quaedam de hac phrasi. Dictum vero corpus fuit *σκῆνος* five *Tabernaculum*, quoniam est *τῆς ψυχῆς οἰκητήριον*, *animae domicilium*, ut Auctor Etymol. M. scite exponit, qua de re Plato, Epictetus & Seneca eleganter passim loquuti: Hinc & ipse Apostolus Paulus II. Cor. V. 1. 4. corpus nostrum *οἰκίαν ἔ σκῆνας ἐπίγειον*, *terrenum tabernaculi domicilium* non pie minus quam venuste appellavit; similiter B. Petrus posterioris suae Epist. c. I. 14. corpus suam *σκῆνωμα* significanter vocavit, & in Libro Sapient. IX. 15. corpus itidem vocatur *σκῆνος γεώδες*, ad quem locum vide quae summus Grotius ex Euryso, five Ecphante & Aristoxeno Pythagoricis, item Platone, & Lib. Cabal. Zoar allegavit T. I. Opp. Theol. p. 599. & T. II. Opp. Theol. p. 840. ad Cap. V. 2. Ep. ad Corinth. item in Notis ad L. 1. de veritate Rel. Christ. §. XVI. p. 34. Videtur autem, ne quid dissimulem, *σκῆνος* loco *ἔ σώματος*, usurpatum, *Hebraismus* esse, quem & τοῖς ἔξω innotuisse probabile est; sicut id in pluribus aliis phrasibus accidit, quod multis posset probari, si hic locus id pateretur. *יב* enim aut *יב*, quod *Tabernaculum* significat, (unde & Græcum *σκῆνος*, quanquam & ab altero *יב*, quod idem, non incommode deduci potest) pro corporis machina apud Hebraeos sumitur, conf. Grot. ad II. Ep. Petr. I. p. 1115. opp. Theol. Tom. II. descendit autem à rad. *יב* five *יב* *obtexit, obduxit, innexuit, adaptavit, compegit* &c. unde Jobus c. X. artificiosissimam

mam sui corporis fabricam coram illius opifice & architecto, Deo, laudaturus, **תשכני** inquit, **בַּעֲצוֹת וְיִדְרִים** secundum LXX. Interpp. optime: **ὁστέοις καὶ νεύροις με ἐνεργῶς**, ubi scholion per **συνέργια** **ψας** verbum **תשכני** signate exponit; conf. quoque antecedentt. V. V. 8. & 9. ubi bina verba ab eadem allegoria desumta. Immo Genes. II. 22. verbum **בנה** *aedificare* de Deo ipso usurpatur, quando, **יבן את-הצלע לאשה** *aedificavit costam illam in feminam*, quae LXX. Int. satis accurate ad Hebraea ita exprefferunt: **ἠκοδόμησεν τὴν πλευρὰν εἰς γυναῖκα**, h. e. ex costa sive latere Adami corpus femellae, ceu aedificium auguste & artificiose construxit, talem enim significatum verbum **בנה** adsciscere solet: unde illud Genes. XVI. 2. XXX. 3. Graeci Interpp. per **τεκνοποιεῖν** scitissime vertunt; videatur Grotius, Exod. I. p. 28. & ad Malach. III. p. 571. T. I. Opp. Theol. it. ad Epist. ad Hebr. p. 1018. T. II. Opp. Theol. inde & quod notes, ipsa vox **בן** *Ben*, sive *Ven*, *filium*, & **בת** *Bath*, *filiam* denotans, descendit, quasi, quod sint *ex parentibus exstructi*, ut recte exponit Schindlerus in Lexico pentaglotto: videatur J. Faes Comment. in Gyraldi Lib. de vario sepeliendi ritu p. 703. Opp. Gyrald. T. I. Steph. Morin de Ling. Primaevo P. I. c. 13. p. 162. seqq. Guffet Comment. Heb. Ling. p. 132. seqq. Dav. Clericus Quaest. Sacr. XXII. p. 227. seqq. & Grotius ad Deut. XXV. p. 99. Omnium

V. Τὸ δὲ ἥπαρ ὁμοιορυσμὴν μὲν ἔχει τοῖς ἄλλοις ἥπασι (14) αἰμορρῶδες εἶδος δὲ ἐστὶ τῶν ἄλλων (15) ὑπερκορυφώσεως ἔχον δύο, αἷς καλέσσι πύλας, (16) ἐν δεξιούσι τόποις κειμένας (17) ἀπὸ δὲ τετρες, σκαλὴν φλέψ ἐπὶ κάτω νεφρῶν ἀποτείνεσθαι. (18)

14. Nostra haec est Emendatio, quam & bona cum Lectoris, ut spes est, venia, ceu indubitata, in Textum adoptavimus. Antea in omnibus Codd. legabant **ἅπασι**, *omnibus*, quod nec verum est, nec sensum conficit. Humanum enim Hepar, bovis quidem & ovis, & quorundam aliorum, non vero omnium animalium jecoribus simile esse, manifestum est; sensus vero quoque claudicat, si illud **ἅπασι** retineamus. Quare, ut utrique malo mederemur, levissima mutatione τὸ ἅπασι mutavimus in ἥπασι, sensu nunc claro & perspicuo: Immo verba sequentia τῶν ἄλλων hancce emendationem adeo efflagitare videbantur.

15. Et haec vera esse, testantur illa Aristotelis L. III. de Animal. part. c. 12. Τὸ δ' ἥπαρ αἰματικώτατον μετὰ τὴν καρδίαν τῶν σπλάγχων. Τὰ δὲ (ἥπατα) τῶν τετραπόδων, καὶ τῶν ὀστέων, καὶ τῶν ἰχθύων, ἐνωχρεῖ τῶν πλείων. κ. λ. Hepar viscerum post cor sanguinolentissimum: Quadrupedum autem, oviparorum, & piscium jecinora pallida sunt. Gemina his habet Auctor Introd. Anat. c. XVIII. Aretaeus L. II. c. 7 inprimis autem Galenus L. de Vf. part. IV, & de Pl. Pl. & Hipp. VI. &c. Sic Orbis

autem maxime huc spectat, quod Salomo in Coheleth c. XII. 3. ubi graphica illa corporis humani, morborumque senilium descriptio continetur, (quod caput luculento Commentario Medico-Philologico olim illustravimus, quem proxime σὺν Θεῷ edituri sumus) corpus nostrum expressis verbis **בית** sive *domum*, *aedificium*, *οἰκίαν* vertunt οἱ ὁ, elegantissime, vocavit; quicum & sequentes versus maxime comparandi, nam illa allegoria ibidem Salomo pergit, fenestras, v. g. ostia & similia ad domum proprie pertinentia recensendo. Sic idem Salomo corpus elegantissime vocavit **עיר** *civitatem* sive ornatam urbem, Cant. V. 7. vide Grot. in h. l. p. 268. Opp. Theol. Tom. I. Ex quibus jam satis patere arbitror, figuram istam **σκῆνος** pro corpore sumendo, non Graecis, sed potius Hebraeis originem suam debere. Venam autem, per quam universum hoc corporis Tabernaculum sustentari scribit hic Auctor Noster, posteriorem sive portae intelligit. Et si enim ad priorem referri quoque & melius quidem, potest; respexit tamen potius, ut dixi, ad portam: quia nempe haec in innumeros ramos distributa, omnes fere partes in abdomine contentas pervagatur: inprimis, si & consideramus, venam umbilicalem, per quam ἀληθῶς τὸ ἔμβρυον σκῆνος τρέφεται, revera infantis corpusculum nutritur, pro venae portae sobole recte censerī, quod tamen ita dictum sit, & ita intelligi debet, ut vena quoque cava subinde non penitus excludatur.

V. Hepar autem convenientiam quidem habet cum aliis jecinoribus; sanguinolentius autem est prae aliis. Protuberantias habet duas, quas vocant portas, in dextris locis sitas. Ab hoc denique obliqua vena deorsum ad renes protenditur.

piscis hepar lucide-flavum observavit Bartholinus, Lampertae autem viride Bonfrerius, Veslingius alique, ut de aliis taceam; sunt enim animalium jecinora ut plurimum aut flava, aut pallida, aut viridia. Quanquam ruborem istum in hepate humano accidentalem potius esse, quam substantialem, recte observarunt Gordonius, Veslingius, Bartholinus, Malpighius alique: quia sanguineum illud concrementum sive **παρέγχυμα**, ut vocant, facili negotio vel bacillo dequassari, vel levi coctura separari possit, ita ut subalbida appareat hepatis moles aut subflava, quomodo in Embryonibus potissimum observatur, ut iidem viri nobilissimi adnotarunt. Interim tamen, cum hepar triplice sanguine, venoso puta cavae & portae, & arterioso abundare, hincque in recens-natis inprimis, intense rubere animadverterent veteres: praetereaque ipsi magnum illud significationis munus deferrent, unde Galeno, ceterisque Medicis praeclaris αἱματώσεως ὄργανον καὶ τῶν φλεβῶν ἀρχὴ communiter dicitur, quamvis purpura illa furtiva illud, post structas ipsam jam ab Aristotele insidias, auspicato exurit Bartholinus, contranitentibus frustra licet Riolo, Hofman-

no, Bilsio, Zassio, Deusingio aliisque,) factum est, ut Epar pro viscere αἱματικωτάτῳ sive αἱμορρῶδες ἄτω, sanguinis affluentia ditissimo haberetur: Hinc ipse Noster Hippocrates L. de Vet. Med. XLI. illud τεθληλὸς καὶ ἔναιμον, floridum & sanguineum, & Empedocles πολυαίματον, multo sanguine turgidum appellabant, &, quod maxime huc facit, Theophilus L. II. c. 11. de Fabr. corp. hepatis carnem ἐρυθρὰν, rubram, & Rufus Ephesius L. II. c. 6. ejus colorem ἐπὶ τὸ ἐνερθεύεσθον, ad rubicundius accedere affirmant. Inde igitur & ipsum Hepatis nomen derivandum esse hariolex, quamquam non sim Ἡπατοσκόπος. Videtur enim mihi Graecum Ἡπαρ, ex Hebr. חֶפֶר Hapar, erubuit, rubore perfusus, non incommode posse derivari: & quamvis proprie vox ista de rubore morali sive pudore usurpetur, nullum tamen est dubium, quin & ad ruborem naturalem trahi possit. Ceterum haec Etymologia longe videtur probabilior iis, quas apud Etymologos Graecos, item Becmannum, Vossium, & ipsum quoque Bartholinum legas. Quid enim magis coactum vel fingi potest, quam vocem Ἡπαρ à פֶּדֶר, peder, aut כָּבֵד Cabed, deducere, quod Becmannus fecit, ut taceam, τὸ פֶּדֶר adipem potius significare, & nunquam pro Hepate sumi, ut visum quidem Hieronymo atque Munstero: vide Bocharti Hierozoic. P. I. L. 2. c. 45. p. 472. ubi id pluribus demonstrat. Sed haec alterius sunt loci. Non possum tamen inficias ire ingeniosam esse Vossii patris etymologiam, qua Ἡπαρ dictum quasi purat. ἑπαρ, sanguinis officina, scilicet ab ἑπω, facio, elaboro, & ἑαρ, sanguis. Sed unde, quaeso, hepatis nomen prius derivabatur, quam sanguinis officina credi coepisset? Videtur ergo Vossii Etymologia ingeniosior, quam verior; nostra contra verior, quam ingeniosior, forte & aequae ingeniosa.

16. ὑπερκουφώσις supra pulmonum lobos vocaverat: hic autem binas illas protuberantias in sima Hepatis parte conspicuas, quas portas vocarunt, uti mox sequitur, ita appellavit: Ordinarie enim humanum jecur integrum, & in lobos discissum non est, ut quidem asserere voluerunt Herophilus; imo ipse Noster, quod mireris, Hippocrates Lib. de Ven. & Epid. Galenus & Plempius: etsi etiam quandoque id accidisse referunt Piccolhominus, Fernelius, Sylvius atque, de quibus, ut & de tota hac controversia fusius agit Hofmannus Comment. in Galen. de Us. part. L. IV. n. 208. 209. p. 65. sed de brutis, excepto bove & ove, illud notum est, quorum hepaticos lobos ordinarie pinnas aut fibras vocabant Haruspices, ut praeter multos alios videre est apud Lucanum, Pharsal. L. 1. Senecam Thyeste, ut & Virgilium. Hebraei vocant יֹתֶרֶת חֲכָבֶד Jothere-th Haccabed, λοβὸν enim τῆς ἥπατος vertunt οἱ δ', vulgo reddunt reticulum sive omentum, ut Hieronymus fecit, à cujus sententia non alienus est Nic. Fullerus L. V. Miscell. Sac. c. 14. p. 71. 72. quem tamen solide, ut solet, confutavit Bochartus Hierozoic. P. I. L. 2. c. 45. p. 498, docens, recte יֹתֶרֶת

verti per lobum hepatis. Vide tamen, quae contra Bochartum monet Gussenius in Comment. Heb. Ling. p. 375. ubi vocem יֹתֶרֶת per omentum, explicare contendit. Vocari tamen binas illas majores partes, dextram puta atque sinistram, in quas dirimitur à nonnullis humanum jecur, lobos posse, non inficior: & de his explicandus est Pollux in Onomast. L. II. c. 4. quando λοβὸν ἥπατος mentionem fecit. Habet & praeterea lobulum propriè sic dictum, qui in omentum exporrectus hepar à nimio fero evacuare creditus est à Spigelio, quanquam alios usus eidem assignavit Glissonius: de hoc lobo loquitur Hippocrates Noster L. de Ven. XIV. & Hesychius λοβίον τὸ ἄκρον τῆς ἥπατος, ut alios taceam. Sunt itaque αἱ ὑπερκουφώσις hic carunculae illae ut sic dicam, protuberantes, quas πύλας sive portas jecinoris portas latine reddit Celsus V. 26. 2. vocarunt, ab importando scilicet per eas, ope cognominis venae, (de qua supra,) ad hepar ceu κοινὸν quoddam ὅλας τῆς ζωῆς πέψεως χωρίον, ut Galenus ait, omnem annonam corporis, pro sanguificatione, ut veterum credidit simplicitas; ita cum Lindano loquor. Hesychius vocem πύλας recte explicat per ἐκτροπὰς extuberantias, pro quo insulse ἐπιτροπὰς aut ἐπιστροφὰς legere mavult idem Hofmannus L. sup. c. Nescio autem, quis Salmafio persuaserit, ut πύλας quoque venarum per jecur discursus significare scriberet, Exercit. Plin. p. 91. nam locum potius, in quem mesenterii venae coibant, πύλας etiam vocatum fuisse, testatur Galenus, de Admin. Anat. L. VI. Recte vero idem adnotavit Hesychius, ut & Rufus Ephesius & post hos Casaubonus ad Capitolin. it. Hofmannus, portarum nomen istis protuberantiis ab haruspicibus fuisse impositum. In jecinore enim antiquissimis temporibus extorum fuisse caput, adnotavit Plinius L. XI. c. 37. Cicero, L. II. de divinat. Lucanus, Pharsal. L. I, 627. & pluribus ad Suetonium Schildius, ut & Grotius ad Ezech. XXI. 21. p. 426. T. I. Opp. Theol. immo Plato hepar μαντικῆς χάριν, sive haruspicinae gratia fuisse natum, asserit in Timaeo. Inde & nomina τῶν σημείων, ut vocabant, v. g. mensae, τραπέζης (qua voce, ut id obiter moneam, circumscribunt R. Selomo, Kimchius, & Mardocheus in Concordantiis vocem יֹתֶרֶת Exod. XXIX. 13. de qua supra, scribeses נֶשֶׁךְ טְרַפֶּסֶת Trapeza, vide Fullerus loc. sup. all. inprimis autem Bochartum Hieroz. P. I. L. 2. c. 45. pag. 501.) Gladii, unguis, &c. quae eodem Rufo Auctore, L. I. c. 28. aruspices quibusdam hepatis partibus indiderunt, petenda sunt; etsi Galenus L. IV. de Us. part. in ea versatur opinione, hoc nomen à viro quodam veteri δειψὲ περὶ φύσιν, quemque hinc merito Hippocrates, & universus Asclepiadarum chorus essent sequuti, illis hepatis eminentis fuisse impositum, quod tamen recte confutat Hofmannus. Aliud vero sunt πύλαι in hepate; aliud πύλας, quae nequitiam ut fieri solet, inter se sunt confundenda. πύλαι enim ἡ μέση τῆς ἥπατος ἐνρυχωρία παρὰ τοῖς θύταις, medium hepatis spatium ab exaruspicibus dictum est, ver-

ba sunt Scholiaſtae ad Demoſthenis Orat. de Corona : vocarunt nempe *πυλαία* rimam illam five ſinum, per quem vena umbilicalis profertur, quem & ſuo vocabulo haruſpices eoſdem *fiſſum hepatis* vocaſſe, ad Plinium notavit Scaliger, & Salmaſius L. ſup. cit. qui tamen in eo iterum errat, quod *πύλην* illam *ἐνρυχωρίαν μέσσην* dictam putet, quum *πυλαίαν* ſcribere debuiffet; ſicut in eo, quod *τείχα* eamdem à Galeno vocatam fuiſſe ſcribat, quum *ἔρικα* debuiffet: nam licet aliquos priore quoque modo ſcripſiſſe adnotet Galenus, erat tamen *θρίξ* plane aliud ac *ἔριξ*, & in hepatoscopia ita vocabatur apparitio venulae anguſtae perquam nigrae in dextro hepatis loco notabilis, ut ipſe in Gloſſis docet Galenus, ut taceam, locum ipſum mutilum à Salmaſio fuiſſe allegatum. Hanc igitur, ut redeam, unde digreſſus, vocem *πυλαία*, pro *πύλαι*; quae apud Heſychium legitur, ſubſtituendam cenſet Meurſius Att. Lect. L. IV. c. 3. p. 172. ubi & ipſum hunc Hippocratis locum allegavit. Verum hoc ſine neceſſitate facit & ſine ratione: Heſychium enim ibi non tam de *πυλαία*, quam de *πύλαις* five portis jecoris, loquitur, aperte evincunt ea, quod *πύλας* per *ἐντροπὰς* explicet, ut ſupra jam memini; quod de *πυλαία* dicere non poterat, quippe quae potius *τὴν μέσσην τῆς ἥπατος ἐνρυχωρίαν* indicat, ut flexanimi Demoſthenis enarrator ſupra nos edocebat.

17. Si hunc locum à nemine interpretum rite explicatum fuiſſe dixerō, εἰ δὲ ὀγκῶδες τι dixerō, εἰ δὲ μυθῶδες. Omnes enim, quotquot vidi, locum de ſitu hepatis interpretantur, qui ordinarie (nam & nonnunquam, rarius licet, contrarium obſervarunt Gemma, Patinus, Spererius, Bartholinus, & jam ante Auctor Iſagog. Anat. c. 18. nec non Ariſtoteles, qui iſtum ſitum inter τὰ τέτρατα numerabant) in dextro, ut & veteribus eſt notatum & hypochondrio. Sed de hoc Hippocrati noſtro ſermonem non eſſe, ex ipſo contextu ſatis, puto, liquet; loquitur enim ibi non de univerſa hepatis ſubſtantia, de qua jam in antecedentibus aliqua dixerat; ſed potius de *πύλαις* five portis, quas in dextris locis ſitas eſſe perhibet. Quum vero ipſum hepatis corpus in dextris locis ſitum ſit, ut modo dictum; quid, rogo, de puſillis iſtis eminentiis id tantum referre opus erat? Si enim dixiſſet: ἐν μὲν τοῖς δεξιῶς κεῖται τὸ ἥπαρ, quomodo Ariſtoteles, Galenus, Ruſus Ephēſius & Auctor Introduct. loquuntur, tunc omnia plana forent, quae jam nobis crucem figunt.

Lindanus igitur, qua eſt *ἐντροχία* ſcilicet, locum optime ſe habere autumat, modo τῶ ἐν τόποις, loco legatur ἐν λόβοις, quam tamen egregiam Emendationem in ipſum textum recipere, quod miror, auſus non eſt. Sed quid quaero eadem Hippocratem noſtrum juvit, quam ut eum erroris iſtius ſtudio reum faceret, cujus jam antea erat, ut modo obſervatum, jecur humanum nempe in lobos eſſe discriminatum? Jam ergo videamus, num nos de *locis his dextris* aliquanto *dexterius* ſententiam ferre valeamus. Nimirum *δεξιὸς τόπος*, aeque ac *πύλαι*, in antecedentibus, eſt terminus, ut ita dicam, technicus, ex vetuſtiſſima Extiſpicum Schola petitus & ab Hippocrate conſervatus, & ſignificat locum illum, ubi chylum ad receptaculum in hepate, per venam portae, aut ramos, venas nempe meſaraicas, tamquam per portas, quamvis Scaëas, deferri crediderunt Veteres, qui locus illuc eſt, ubi eminentias portas dictas fuiſſe, ſupra modo obſervabamus, adeo, ut *δεξιὸς* hic non tam *dexter* ſit; quam potius *receptorius*, *acceptorius*, ſcilicet à *δέχομαι*, ut ita loqui fas ſit. Recte ergo (ex ſua certe opinione) adſeruit Noſter, *πύλας ἐν δεξιῶς τόποις κεκείμενας*, portas in iſtis locis eſſe ſitas, quae ſuccum chyloſum, aut ut malunt, chymoſum *recipiant*, & ad hepatis *receptaculum* deponant. Egregium vero eorum, quae haecenus dixi, teſtimonium eſt apud Heſychium: *Δεξις* inquit hic, τῶν ἐν τῇ ἥπατι μερῶν τῶνδε τοῖς θύταις καλεμένων δοχῇ, pro quo Auctor. Anat. & Gal. habent *ὑποδοχὴν*: à qua *rituali* voce *Δεξις*, noſtrum *δεξιὸν* eſſe deducendum, nullus proſecto ambigo; ſicuti & Democritum *φλέβας δεξαμένας* quod ſcilicet ſanguinem ſuſcipiant, dixiſſe conſtat. Sed levia haec ſunt; à nemine tamen, quod ſciam, obſervata.

18. Per *σκαληνὴν φλέβα* five venam obliquam intelligit Noſter truncum venae cavae ſcenden-tem, quod & obſervatum fuit Lindano; inprimis vero venas emulgentes dictas, quas magna illa mater in utrumque renem brevi & obliquo ductu inferit; inde *σκαληνὴν* vocat, h. e. obliquam. Heſychius *σκαληνὴν* exponit *σκόλιον*, *πολύγωνον*, Galenus Lib. de Ven. & Arter. Diſſect. & alibi, eandem *λοξὴν* appellat, quod idem. Emulgentes autem venas intellexiſſe Noſtrum, teſtantur manifeſte verba in Textu mox ſequentia: *ἐπὶ τὰ κάτω νεφρῶν ἀποτείνουσα*.

VI. Νεφροὶ δὲ ὁμοιορυσμοί, τὴν χροίην δὲ ἀναλίκιοι μήλοισιν (19) ἀπὸ δὲ τεττέων ὀχετοὶ σκαληνοειδέες (20) ἀκρὴν κορυφὴν κύσιⓈ κένται. (21)

VI. Renes aequali inter ſe figura ſunt, colorem autem ſimiles pomis. Ab his aquaeductus obliqui in ſummum veſicae verticem incumbunt.

VII. Κύσις δὲ νευρώδης, ἔλη, καὶ μεγάλη. (22) ἐκασθε κύσιος μεταχὴν εἰς ω πέφυκε. (23) καὶ τὰ μὲν ἐξ ἀνὰ μέσον ἐντὸς φύσις ἐκοσμήθη. (24)

VII. Veſica, qua nervoſa, conſtrictiva eſt & expansiva: qualibet autem veſicae parte capacitas intus efformata eſt. Et has quidem ſex partes in medio occulta Natura affabre fecit.

19. Ita hunc locum esse interpungendum, ut fecimus, recte jam monuit illustris Menagius ad Diog. Laërtium L. IX. Segm. 47. p. 415. In omnibus fere Editionibus Graecis sic concipitur: *Νεφροὶ ὁμοιοευσμοί, τὴν χροὴν δὲ ἀναλίγκιοι μήλοισιν*: quae sicut perperam scripta; ita & perperam versa sunt ab Cornario, quod non mirum, sed &, quod mirum, à Foëfio quoque, & à Lindano ita etiam temere recepta: *Renes colore consimiles, malorum speciem prae se ferunt*; quam utriusque versionem merito improbat is, quem laudavi Menagius. Ita enim distinguenda potius verba: *Νεφροὶ ὁμοιοευσμοί, τὴν χροὴν δὲ ἀναλίγκιοι μήλοισιν*, tumque vertenda: *Renes aequali inter se figura sunt, colorem autem pomis similes*, ut ita jam vertere liceat. Quae enim *poma* hic intellexerit Noster, quibus *renes* colore rubello adeo respondeant, dictu est perquam difficile. *Davius hic non Oedipus sum*, inquit Lindanus, Med. Phys. c. V. Art. VII. §. 131. *Quis enim in tanta malorum varietate, quae tellus quaeque, quae ars profert, vel ausit, vel possit dicere, ad quae ille respexerit? ex nostratibus tamen Orthomastiis & Amerinis* (ita nam Stapelius noster Comment. ad Theophrast. L. IV. Hist. de Plant. cap. VI. p. 399. quae vulgus *rabauwen* & *Paradys-appels*), color *φακώδης* ἢ ποσῶς ὑπόχρως, *lenteus*, & quodammodo *subcinereus* est, quem Rufus L. II. c. 12. renibus assignat: Intelligibilis vero Aretaeus L. II. de Sign. Chron. c. 3. *Νεφροὶ χροὴν δὲ ἐρυθρότεροι, ὁκοῖόν τι ἥπαρ μᾶλλον*, colore rubicundiores aliquanto magis, quam *hepar*. Haec ille scite non minus, quam vere. Th. igitur Bartholinus, accerrimi aequae iudicii ac foecundissimi ingenii vir, quum Hippocratem pomis luffisse, iisdemque nobis illuffisse non crederet, aliam longe viam est ingressus, ita nimirum locum explicando Anat. Ref. L. I. c. 17. *Hippocrates renes pomis comparavit, sine dubio latioribus & rubris; nisi per μήλοισιν similitudinem quoque cum aliis brutis indigitaverit*. Quo nihil sane aptius & ingeniosius fingi poterat aut excogitari. Notum enim est, Hippocratem, ubi Anatomicum agit, in id potissimum incumbere, quo tam convenientiam, quam discrepantiam hominum inter & animantium viscera sedulo adnotet, uti vel ex ipso hoc Libello, ubi de Corde, Hepate, &c. sermo, item Lib. de Venis VI. Epidem. & aliunde luculenter patet: inexpugnabili sane argumento, eum vel humana diffecuisse cadavera, quod alibi contra Cl. Dan. Clericum frustra contrarium propugnantem planius pleniusque sum demonstraturus. *Μῆλον* itaque, quum & *potum*, & *animal quadrupes* in genere, in specie vero *ovem* & *capram*, ut & *bovem* (sic enim Simonides taurum Dorice *μᾶλον* dixit) significet, ut clare Hesychius; *Μῆλα κοινῶς μὲν πάντα τὰ τετραπόδα, κατ' ἐπικράτειαν δὲ τὰ περὶ βατὰ καὶ αἰγες*, quicum concordat Eustathius, ad Il. A. p. 828. adde & Soping. ad Hesychium p. 785. it Spanhemium ad Callimachum p. 78. in quo significatu haec vox ex Arabico *لحم* *Mal*, *amentum*, certo certius descendit, prout recte observavit summus vir Bochartus, Chan. L. I. c. 27. p. 578. non autem à

μέλομαι, aut τῇ τὸν μήλωδον πρὸς τὸν ἑδισθαι, ut pro more veteres nugantur Grammatici: posterior autem sensus huic nostro loco concinnius longe conveniat, prae priore illo ludicro & caduco de pomis petito; praeterea quoque re ipsa humani renes cum horum animantium renibus colorem obscure rubentem conspirent, ut & notatum est Aristoteli; ita, ac voluit Bartholinus, hunc locum esse explicandum, nullum mihi relinquitur dubium, praeter hoc unum, quod tum cum Bartholino non sit legendum *μήλοισιν*; sed potius levissima mutatione, *μηλείοισιν*, qua voce saepissime usus est Noster, adnotante in Oeconomia Foëfio. Prius enim est à substantivo *μήλον*, quod hic locum habere nequit: renes enim humani non ipsis animalibus, (quae *Μῆλα* sunt) sed animalium renibus similes sunt; posterius vero est ab adjectivo *μήλειον*, *ovinum*, *caprinum* & in genere, quod ad animalia spectat, aut de iis dici potest; & hoc huc apprimè facit. Interea tamen, quum & pristina illa Lectio *μήλοισιν*, quae omnes jam occupavit libros, aliquem fundat sensum; novam illam nostram, aut, si mavis, Bartholinianam, quamvis probabilior & aptior, in Textum recipere ausi non sumus.

20. *Σκαληνοειδῆς ὄχετοί* sunt bini illi canales ureteres vulgò dicti, qui ex renibus obliquo ductu prodeuntes, ac liquorem excrementitium vehentes vesicae lateribus inseruntur. Significanter eos *ὄχετες* five *aquaeductus* appellat: *ὄχετες* enim Hesychio & Suida Auctoribus, est *σαλὴν*, aut, ut Salmasius ad Stephan. Byzant. recte ex Suida emendat, *σωλὴν*, *ἀγωγὴς*, *ρύαξ*, *ὕδραγωγέον*. κ. λ. plura de hac voce nostro Hippocrati, notante Foëfio, perquam familiari colligit Th. Bartholinus in de *Hepate defuncto* p. 576. Loco τῇ ὄχετοί, Aristoteles, Rufus Ephesius, Theophilus, Auctor Introduct. Anat. & Pollux πόροι five *meatus* ponunt, ita enim apud postremum pro corrupto τόποι legendum bene monet Lindanus, qui plura de hac re: Aretaeus autem sequutus est, ut solet, nostrum Hippocratem, qui tamen ipse L. de Ven. VIII. canales hos uriniferos antiquo loquendi more, *φλέβας* five *venas* appellavit; quod etiam imitator Hippocratis Celsus L. IV. c. 1. per *venas colore albas ad vesicam latas* apprimè expresse; sequutus & in hoc Nostrum Aristoteles, adnotante Laurentio. *Σκαληνοειδῆς* quid sit, supra jam explicatum. Cur autem ureteres sint obliqui, tortuosi & *Σιγμοειδῆς*, omnium optime exponit Theophilus L. II. c. 12. de corp. Hum. Fabr. & de Urin. c. 11. scilicet, ὥστε μὴ παλινδρομεῖν τὸ ὕρον εἰς τὰ ὀπίσω, ne urina, inflata v. g. vesica, renes versus regurgitet, quae de re plura apud Anatomicos. Videtur ceterum Hesychius hunc Hippocratis locum indigitasse, allegando alicubi τὰς σκαληνὰς ὄχετας, quanquam, eos satis frigide & generaher per ἔντερος five intestina explicuit.

21. Ita legunt Codd. Vett. quod & retinuit recte Foësius; at Lindanus de suo penu addit *ἐς, ἐς κορυφὴν κείται*, sine urgente necessitate, nam est ellipsis

lipfis τῆ κατὰ ἡ ἐπὶ, quales multae in Hippocrate. Κεῖσθαι hic idem est ac *propendere* aut *dependere*, prout Homero, Apollonio, & aliis poëtis in usu: poëtas enim sequitur Noster, ut supra & alibi dictum. Rufus Ephesius binis in locis δύο scribit πόροι κατὰ κορυφὴν κύσεως συνάπτει, quae propius ad hunc nostrum locum accedunt. Ne quid tamen dissimulem, concinnius hic legeretur τείνεται pro κείνται, servata illa Lindani additione: hac enim voce frequenter utitur Hippocrates, ubi venarum & nervorum processus describit. hic modo dixit: ἡ σκαληνὴ φλέψ ἀποτείνουσα; & in Lib. IV. de Morb. IX. πολλαὶ φλέβες εἰς ἀποτείνουσαι, it. seq. X. Παχῆαι φλέβες τείνουσιν, imprimis autem huc spectat §. XXVIII. dicti Libri: ἔχη παιδίον τὰς φλέβας, τὰς ἀπὸ κοιλίης εἰς τὴν κύσιν τείνουσας: omitto plura congerere, quae in Libb. de Ven. Nat. Hom. & alibi in hunc sensum occurrunt, ut & nihil de Aristotele & Galeno dicam, vide tamen Anonym. Isagog. Anat. c. XV. Et ita vel in hoc nostro loco legit jam olim Cornarius, ut ex versione ejus patet, quae in hunc modum: *canales obliqui in summum vesicae apicem tendunt*: etsi vox *triangulares*, quam addit, nec in textu adest; nec in versione adesse debet, licet, id ceterum ex Borrichii observatione verum sit. Per ἀκρὴν autem κορυφὴν intelligit regionem prope vesicae collum aut verticem; in quo Hippocratem sequitur, ut solet, Rufus Ephesius, cujus locum supra adscripsimus. Theophilus autem pro eo τράχηλον κύσεως ponit sive collum: Aretaeus vero ὤμους τῆς κύσεως vesicae humeros satis eleganter, & exacte quae & notata Lindano. Epitheton denique ἀκρὴ hic non παρέλκει, ut videtur; sed nititur auctoritate ipsius Homeri Il. N. 12. & alibi, Diodori Siculi, L. XVII. &c. Herodoti, Arati & Dicaearchi in fragmento descriptionis montis Pelii, alios ut taceam: adeo, ut expungendum non videatur, uti cuidam animus fuit.

22. Ita interpungendum atque vertendum esse hunc locum, prout à nobis factum, certum est: res enim ipsa id postulat, quod tamen huc usque nemini observatum. Nam vesicam totam esse nervosam, ut vulgo vertitur, à veritate oppido alienum, quod nec veteres latuit, ut ex Celso, Galeno, Theophilo reliquisque veteribus Medicis perspicue patet. Nimirum ἔλον significat quidem *totum*, *integrum*, & ipsi nostro Hippocrati saepissime ita sumitur: sed significat etiam ἔλον *contractum*, *constrictum*, *complicatum*: Hesychius ἔλος, συνεστραμμένος, & Plutarchus Lib. de Garrulitate p. 338. ἔλα & συνεστραμμένοι pro synonymis habet. Videatur autem imprimis Graecus Interpres ad Aristophanis Ranas Act. IV. Sc. 2. quo etiam annotante, tum vox ἔλον à verbo εἶλιν, aut εἶλῆν, *coarctare*, *complicare*, & in *angustum* cogere, derivanda est. Hunc igitur sensum vox ἔλη, & hic vel maxime habet, in oppositione videlicet τῆ sequentis μεγάλη: etsi boni Interpretes primum illum obvium, ut saepius, infeliciter arripuerunt. Vesicam enim ita esse natura comparatam, ut sese ad capiendam affluen-

tem urinam dilatare atque extendere; eadem vero exonerata, iterum constringere & corrugare possit, nemo est Anatomicorum qui nesciat. Recte ergo, mea quidem opinione, verba Graeca: κύσις δὲ νευρώδης, ἔλη καὶ μεγάλη vertimus; *vesica, nervosa existens, sive dum ex nervis compacta est, constrictiva simul est ac expansiva, sive constringi aequae potest ac dilatari*.

23. Hic iterum errarunt & Interpretes & Commentatores; sed errore quasi necessario, & quod ajunt, invincibili, depravatis quippe codicibus usi. Εκάσταθι enim omnia legere Exemplaria MSSa adnotavit Foësius, qui hujus loco mallet ἐκάστοτε, ut scil. ἐκάστοτε κύσις sit *passim & ubique per totam vesicam*: sed iterum fluctuat, pro more, atque etiam ἐκαστάτω κύσις, h. e. *longissime distenta vesica*, legi posse asserit: reliqua ibi legi possunt, nos enim nihil juvant. Sed neutra harum Emendationum mihi placet, quia sensum aut nullum, aut durum admodum efficit; etsi priorem ἐκάστοτε puta, temere, pro more, in textum intulit Lindanus. Nam vesicam capacem esse & amplam, jam Auctor dixerat: abhorret ergo à brevitate Hippocrati consueta, crambem bis coquere. Ego mihi veram Lectionem reperisse videor. Scribit enim idem Foësius, quosdam Codd. antiquos habere hoc loco ἐκάθε, ex quo, quum hic nihil plane valeat, facili mutatione exsculpo: ἐγκὰς δὲ κύσις, h. e. *in imo, sive profundo vesicae*, ἐγκὰς enim Galeno in Glossis est: ἐν βάθει, unde & sequens in nostro textu εἶσω pro interpretamento hujus ignotioris ἐγκὰς habendum esse, asserere vix dubitem. Hanc igitur vocem antiquam & solam fere Hippocraticam multis in locis divino Seni efferestituendam, optime observat in Oeconomia Foësius. In imo autem vesicae hic est in cervice aut collo vesicae: ampla enim ejus pars fundus vulgo dicta, quae peritonaeo, & intervenientibus Uracho & arteriis umbilicalibus sursum versus umbilico alligatur, revera cervix potius dici debet aut caput: altera autem angustior & carnosior, quae deorsum in urethram hiat, & vulgo collum aut cervix audit, meliore sane jure fundus & imum vesicae nuncupari debet. Haec tantisper notentur: Nodus enim adhuc solvendus restat in voce μετοχή, quam idem ac μέτεξιν, sive perceptionem hic significare autumat falso Foësius, qui eundem errorem in versionem transplantavit suam: Cerebro tamen commotior fuit Calvus, quando μετοχὴν legeret, & medium locum verteret, quod huc plane nihil facit. Dicam igitur verbo: Μετοχὴ hic est *ambitus, septum, circulus, orbiculus*; sic enim Suidas: μετοχὴ, ὁ περιβολος; & significat musculum constrictivum, vesicae cervicem oblique ambientem, sphincterem dictum, cujus ministerio urinae fluxui catarrhaeta ponitur, ne nobis insciis, effluere possit, quod Salomonem in Coheleth XII. 6. per חגב-על-המבוי per *Hydriam super fontem*, expressisse putat Grotius ad illum loc. p. 266. Vertendum igitur posthac praesens erit tmema in ima autem vesicae parte sive cervice orbiculus quidam sive orbicularis & ambiens quidam

quidam five orbicularis & ambiens quidam musculus à natura formatus est. Vix enim credere par est, Hippocratem, vesicae mentionem quum faceret, musculi hujus constrictorii, qui magnam utique merebatur admirationem, plane fuisse oblitum. Nihilominus tamen, quia haec nostra emendatio & Lectio nimium recedere videtur à recepta, eam, quamvis prioribus multis parasangis praeferendam, in textum adsciscere subdubitavimus.

24. Sex illae partes hic, ceu in ἀνακεφαλαιώσεως quadam repetitae sunt: aspera arteria, pulmo, cor, hepar, renes, & denique vesica urinaria. Sequens ἐντὸς non construendum est cum verbo ἐκοσμήθη, ut omnes fecerunt Interpretes; quid enim opus erat adnotare, haec viscera intus fuisse condita, quum id nemini non jamjam constaret? Sed cum ipsa potius voce φύσις, ita ut sit ἡ ἐντὸς φύσις, Natura occulta, tecte & sine strepitu quodam sua munia in corpore obiens: atque idem hic est, quod φύσις ἀφανής, ut Noster loquitur L. I. de Diaet. XXXVII. aut, ut Auctor Libelli de Natura Hominis, Democritus vulgo creditus, id expressit: ἡ ἀσώματος ἐν

μυχοῖς φύσις, quod inepte, ut reliqua omnia, explicuit Homo, cui e nil-dignis nugis laurus nascitur. De tacita hac & nobis abstrusa Naturae in corporibus animatis Operatione & Mechanismo plura notatu digna leguntur apud Galenum Lib. II. & XVII. de Us. part. L. IX. de Pl. Hipp. & Pl. & locis aliis bene multis, alibi jam à me productis: meretur tamen prae aliis locus hic ex Lib. VI. de Us. part. circa finem legi, qui inprimis huc spectat: Ἡ φύσις ἀνευ θορύβου καὶ βοῆς αὐτοῖς τοῖς ἔργοις δείκνυσιν τὴν δικαιοσύνην. Ceterum quid sit φύσις, quid διακοσμεῖν & κοσμεῖν, it. quid δικαιοσύνη, uberius explicui in ea, quam pro Hippocrate Atheismi falso accusato, applaudentibus viris magnis & illustribus; ringentibus vero pusillis & obscuris, ante aliquot annos edidi Apologia, ubi, cui volupe, legat. Hic ἐκοσμήθη idem est, ac quod in hujus Libelli calce διετάξατο, cujus loco Galenus saepissime, Lib. inprimis de Us. part. & Administ. Anat. ἐδημιόργησε ponit, item παρεσκεύασε, διέπλωσε & ἐμνημόνευσε, quo & delectatur in Libris φυσικῶν aliquoties Aristoteles.

VIII. Οἰσοφάγος δὲ (25) ἀπὸ γλώσσης τὴν ἀρχὴν ποιεῖται, ἐς κοιλίην τελευτᾷ, ὃν δὲ καὶ ἐπὶ σηπτικῆς κοιλίης, σόμαχον καλέουσιν. (26)

VIII. Gula porro à lingua initium faciens, in ventriculum desinit, quam etiam ubi in concoquentem ventriculum hiat, os ventriculi apte appellant.

IX. Πρὸς δὲ ἀκάνθης ὀπίθεν ἡπατος φρένες περιέκασιν. (27)

IX. Ad spinam retro Hepar septum transversum formatum est.

X. Ἐκ δὲ πλευρῆς νόθης, λέγων δὲ ἀριστερῆς, σπλὴν ἀρξάμενος ἐκτέταται, ὁμοιορυσμὸς ἔχει ποδός. (28)

X. Ex latere spurio, hoc est sinistro, lien initium capiens extenditur, figuram plantae pedis similem repraesentans.

25. Nihil in his obscuritatis: Oesophagum enim canalem illum cibivorum cibi-ferumque vocari, vel lippis & tonsoribus notum. Errat autem Galenus quando Hippocrati Oesophagum γαστρός σόμαχον, five ventriculi orificium dici, in Glossis asserit, quod & notatum Mercuriali. Gulam enim five canalem istum cibarium à principio suo h. e. linguae radicibus, eo usque, ubi ventriculo inseritur, vocari potius Oesophagum, post insertionem vero σόμαχον, five osculum ventriculi, clare hic pronunciat Hippocrates. Κοιλία nempe, aut γαστήρ, aut νηδὺς ipse est ventriculus, five aqualiculus, in quo alimenta digeruntur: οἰσοφάγος autem fistula illa oblonga, per quam alimenta in illum feruntur; hic, ubi ἐπισπνύται ipsius ventriculi orificio sinistro, nomen mutat, & vocatur tunc σόμαχος, vulgo etiam περδία: σόμαχος enim τὸ τῆς κοιλίας σόμα five ventriculi orificium, ut exponit Hesychius & pluribus Galenus v. g. L. II. de Loc. affect. Comment. ad Aph. 56. L. VII. Comment. I. in Lib. de Rat. Vict. in morb. & aliis locis à Foësius solerter adnotatis: quanquam καταχρηστικῶς postea & aliis aperturis aut orificiis id nomen fuit impositum, inprimis ab ipso

nostro Hippocrate, apud quem v. g. σόμαχος κύσιος, μήτρας, αἰδοίς, ὑστέρων, & alia Foësius adnotata. Haec est differentia, quam tamen ipsi veteres non semper observarunt, ita ut stomachus nunc gula, nunc ipse ventriculus fuerit vocatus, ut ex Galeni L. V. de Loc. affect. c. 4. (non 5. ut falso allegat Mercurialis) & aliunde constat; contra quem tamen varia disputat Mercurialis L. infra allegando. Notandum vero, vocem Oesophagum nostro Hippocrati esse δισειρημένην, five bis tantum dictam. Hic nempe & in Lib. de Loc. in Hom. Videatur de his Mercurialis Var. Lect. L. I. c. 1. Marfil Cagnatus, Var. Obs. L. I. c. 15. Hofmannus, in L. IV. Gal. de VS. part. n. 188. p. 59. & Foësius, in Oeconomía, vocibus οἰσοφάγος, & σόμαχος.

26. Ita in omnibus Codd. legi testatur Foësius; et si asteriscum suo exemplari praefixit Aldus. Cornarius tamen, cui cornea fibra, mavult ἐπισήμως, & vertit significanter: sed significanter nugae agit, observante quoque Foësius. Salva enim antiqua est lectio, & hinc ne quidquam sollicitanda. Scilicet ἡ σηπτικὴ (aut, ut etiam conjunctim legi posset ἐπισηπτικὴ,) κοιλίη ventriculus est coëctorius, aut, ut

Mercurialis non inepte vertit, *putrefactorius*, cujus cibos digerendi actionem in σήψει quadam sive putrefactione constare crediderunt Veteres, ut ex Plutarchi Quaest. II. de Caus. phys. (non L. II. ut allegat Foësius) constat, ubi ἡ δὲ σήψις, inquit, εἰσὶν εἶναι σήψις. Eorum ergo stylo & hic Noster loquutus est Hippocrates & alibi. hic ipsi Lib. de Affect. XXV. σιτία ἄσηπτα, cibi sunt crudi & nondum digesti, sive ἄπεπτοι, *incocti*, ut ipse exponit L. III. de Diaet. §. XXIV. ubi & seqq. XXV. & XXVI. διαχάρημα ἄσηπτον & σεσηπές, excrementum est non putrefactum, h. e. non ex recrementis digesti cibi constans, & putrefactum, h. e. ex cibi digesti & concocti residuis comparatum. Omnium autem optime de hoc antiquo loquendi more Galenus agit Hypomnem. VI. Aph. I. p. 302. ubi hos ipsos locos à nobis haecenus citatos allegat & explicat: Δηλονότι, sunt ejus verba, παλαιὰ τις ἦν συνήθεια τέτοις τοῖς ἀνδράσιν, ἄσηπτα καλεῖν, ἅπερ ἡμεῖς ἄπεπτα λέγομεν: scilicet vetus quaedam erat consuetudo his viris (de quibus in antecedentibus, v. g. Proxagorae, Erasistrato, Polybio &c.) imputrefacta ea vocare, quae nos indecocta dicimus. Plura de hac re in suis Hippocratis adnotationibus monstrasse se asserit Mercurialis, l. Sup. c. ubi & quaedam ex Aristotele & Plutarcho allegat. Videatur & ipse Foësius in Oeconomia, vocibus: ἄσηπτοι, p. 63. & σήπειν, p. 339. item & Casaubonus, Animadvers. in Athen. L. VII. c. i. p. 475.

27. Ἀκάνθαν aut Ἀκάνθην dorso spinam Hippocrati vocari, negabat olim diffusae lectionis Senex Casp. Hofmannus II. Instit. Med. LXVII, 4. cujus tamen ἀβλεψίαν merito retudit Lindanus Med. Phys. c. XIV. art. I. p. 585. clarissimum locum in contrarium allegans ex t. XLII. Lib. de Articulis: cui ego praeter huncce nostrum, qui sub manibus, addo sex alios ex Lib. de Ven. & unum ex Lib. de Nat. Off. ut alios taceam etiam in Libb. Epidem. ni fallor, occurrentes. Quid? quod ipse Galenus ἀκάνθας vertebrarum processus, totamque simul spinam Ἀκάνθαν vocari docet III. Artic. 29, 2. prout idem Hofmannus tacite Heautontimorumenus, observat Comment. in L. XII. Galen. de VS. part. c.

15. n. 921. p. 288. Verum nec Hippocrates solum hac voce utitur; sed & Herodotus & Euripides, uterque Nostro ἰσόχρον, immo quodammodo χρονιώτερος: hic quidem Troadibus, v. 117.

Καὶ διαδέναι νῶτον, Ἀκάνθαν
Τεῖς ἀμφότερες τοίχας μελέων.

Ille vero Melpomene sive Musa quarta p. 244. Edit. recentiss. Gronov. loquens de quinquaginta illis juvenibus, quos strangulatos totidemque equis exenteratis paleaque suffertis & iterum consutis impositos circa regum suorum tumbas in singularem splendorem, sed detestando ritu, collocabant multivagi Scythae. Etsi id Hofmanno lubens concedo, ἐσχιν loco ὧς Ἀκάνθαν & Hippocrati & Aristoteli, reliquisque veteribus esse in frequentiore usu.

28. ποδός, supple ἀνθρωπίνης, pedis humani, quod significanter additum à Rufo Ephesio L. II. c. 7. (dubium enim erat cujus? ut notat Lindanus, Med. Phys. c. 5. Art. II. p. 68.) haud dubie ad hunc locum respiciente. Κεῖται, inquit, ὁ σπλήν καὶ τὸ ἐνώνυμον ὑποχόνδριον παρεκτεινόμενον (ita enim legendum loco ὧς παρεκτεινόμενον recte jam vidit Lindanus) ἐπὶ μῆκος ἀνθρωπίνῳ ἴχνει. Quem locum, quum in mendo cubet, hac occasione ut emendem, par est. Sensus enim hiare viderat jam Lindanus, acutior hac in parte Foësius, qui in notis hunc allegans locum, mendi suspicionem indicat nullam: Verum uti infelix admodum est Criticus: ita & hunc locum pari felicitate adortus est. Intrudit enim temerario animu vocem ὁμοιορυσμός, legendo: παρεκτεινόμενος ἐπὶ μῆκος, ὁμοιορυσμός ἀνθρωπίνῳ ἴχνει. Mihi autem longe certius legendum videtur: παρεκτεινόμενος ἐπὶ μῆκος, ἐπεικῶς ἀνθρωπίνῳ ἴχνει; ita ut propter ὁμοφωνίαν vocum ἐπὶ μῆκος, & ἐπεικῶς, posterius sit inter scribendum, ut fieri solet omissum: Immo, quando verbum παρεκτείνεσθαι jam per se in longum protendi significet; loco ἐπὶ μῆκος, ἐπεικῶς potius legendum esse plane videtur. Tum vero sensus clarus: splen secundum longitudinem extensus, similis est humano vestigio.

Verum animo satis haec vestigia parum sagaci.

XI. Κοιλίῃ δὲ ἥπατι πρὸς ἀκείμην, κατ' ἐνώνυμον μέρος, ἐλομένη ἐστὶ νευρώδης (29)

XI. Ventriculus hepati adjacens quoad sinistram partem, totus est nerveus.

XII. Ἀπὸ δὲ κοιλίης πέφυκεν ἔντερον ὁμοιορυσμόν, μικρόν, πηχέων ὅκ' ἑλασσον δώδεκα, ἐλικηδὸν ἐν κόλποις ἐντελόμενον, (30) ὃ καλέουσι ἐνιοὶ κῶλον, διὸ πρὸς αὐτὴν τῆς τροφῆς γίνεται.

XII. A ventriculo vero procedit intestinum, similis conformationis, parvum, cubitorum non minus duodecim, orbiculatim in sinus implicitum, quod nonnulli colon vocant, per quod propulsatio digesti cibi procuratur.

XIII. Ἀπὸ δὲ κῶλος πέφυκε ἀρχὸς λοίσθιος, σάρκα πολυπληθέα ἔχων, ἐς ἄκρον δακτυλίσ (31) τελευτῶν. Τὰ δὲ ἄλλα ἡ φύσις διετάξατο.

XIII. A colo denique intestinum rectum extremum incipit, copiosam carnem habens, & in supremum orbiculum desinens. Quae restant eodem modo Natura ordine adornavit.

29. Sic in omnibus Libris Scriptum invenitur, & repraesentant omnes fere Editiones praeter Lindemaniam, quae ἐλομελήν exhibet, quia Hippocrates hac vocē saepius usus est, ut ex Foëssii Oeconomia patet: sed frustra est, & audax facinus. Idem autem ille Foësius, hanc vocem ita in Oeconomia explicare instituit: ἐλομένη hic pro ἔλῃ aut ὅλῃ, aut ἐλομελῆς positum videtur. ἔλῃ enim pro ὅλῃ, & ἔλῃ pro ὅλῃ, Ionice eodem libello scribitur, ut ἐλομένη idem, quod ἐλομελῆς, aut ἐλομελήν indicet. Sic ap. Hesych. ἐλομενῆς, ὀλομενῆς exponitur, si modo recte scribatur; Haftenus ille. Verum ἔδεν ἐν τῇ τοῖς ὕγιῃς, nec quidquam huc faciunt; nam aut Hesychium, aut Hippocratem, aut utrumque simul hic depravatum esse, oppido liquet. Putem ergo levissima mutatione genuinam Lectionem ita me eruisse, substituendo nimirum loco nihil significantis ἐλομένη, vocem huic loco convenientissimam ἐλσμένη, quae est ἀπὸ τῆς ἐλσθαι, aut ἐλώω, cicatricem sive sulcum duco: unde hic κοιλίῃ ἐλσμένη erit ventriculus cicatricatus h. e. cicatriculis obductus, & rugis sive plicis sulcatus. Neminem autem etiam anatomes sacris tinctum modo, non imbutum, opinor, fugit, Tertiam sive intimam ventriculi tunicam, quae nervosa est, esse ita ἐλσμένην, sive rugis & sulcis incisam. Nam ventriculum totum non esse nervosum, & ex hac quidem vulgari versione colligi poterat, nec veteres latuit, ut ex Galeno, Celso aliisque patet, quanquam Theophilo, Rufo & plurimis falsa ista insedit opinio. Vertendus igitur postea hic noster erit locus in hunc modum: *Ventriculus hepatis juxta sinistram latus adjacens, ea, qua cicatriculis & rugis signatus est, parte, nervosus est.*

30. Haec non de universo intestinorum volumine, quippe quod sexies plus minus ut plurimum superat hominis, cujus est, longitudinem; quam potius de intestinis sic dictis tenuibus tantum esse accipienda, recte observat Lindanus Med. Phys. c. IV. Art. v. 49. & probat ipsius Rufi Ephesii verbis, quibus hunc Hippocratis locum παρέργασε, L. II. c. 17. de Part. Hom. Εἴη δὲ καίτοι τὰ λεπτὰ καλόμενα ἔντερι ἐπιμήκη καὶ πολυεῖληται τοῖς καὶ δὲ καπὸ πηχῶν τὸ μῆκος τυγχάνοντα: in ipso textu Hippocratis, ἐν κόλποις legitur, ut & repraesentavimus, pro quo tamen temere & sine necessitate ἐς κόλπους substituit Lindanus. Verba textus sequentia ibidem ita transcripsit candidus ille Rufus: Ἀπὸ δὲ ταύτης

γαστὴρ ἐμφύεται πέντε ἐλικηδὸν ἐλόμενα ὡς ὑποδοχὴν τῶν τῆς κοιλίας ὑποβιβασμένων σίτων, (falso legitur in quibusdam exempl. σίσμων) & Latinus Hippocrates Celsus L. IV. c. 1. huc quoque respexisse videtur hisce quidem verbis: *Tenuius intestinum est, in sinus vehementer implicitum;* quibus verba ἐλικηδὸν ἐς κόλπους ἐνελόμενον eleganter expressit, unde & in versionem nostram recepimus. *Unum autem facit intestinum Hippocrates ex antiquorum disciplina, quod unum & idem sit ab ἐκ φύσει, ad sedem ipsam iter, totumque sit sibi continuum, idemque Colon vocant, quod alvus inferior veteribus, ut Erasistrato, dicitur, velut testatur etiam Gellius L. XVII. c. 11. (non inverse, ut allegat Foësius) ὁμοιορυσμὸν autem dicit, quod unum sit similitudine, substantia, & natura sibi cognatum, aut quod intestini substantia non multum à ventriculi natura diversa sit, ut scribit Galenus c. 17. L. II. de VS. part. haec Foësius. An denique κῶλον, aut κόλον sit scribendum, alii viderint, quibus plus super est otii: Mercurialis, Lindanus, Riolanus, Salmasius de Ann. Clim. p. 732. & alibi, & alii posterius probant, prius autem ipsi Aristoteli, Galeno, Rufo Ephesio, Theophilo, Nemefio aliisque veteribus placuit. Videtur utrumque posse defendi. Sed tanti non est, ut ei diutius immoremur.*

31. Δακτύλιον hic vocat in extremo ano musculum illum orbicularem constrictorio-patefactorium, sphincterem vulgo dictum, anoque annuli instar satis lati circumjectum, quem Hebraei eundem in modum גלגל Galgal sive Rotam ob figuram σφαιροειδῆ vocarunt, ut in Coheleth. XII, 6. -גלגל הַבַּחַיִת Hagalgal el habbur, Rota super cisternam, h. e. caste & aenigmatice, stylo Hebraeorum, sphincter ani orbicularis: conferatur Grotius in h. l. p. 266. T. 1. Opp. Theol. similem musculum in vesica urinaria supra μετοχὴν vocaverat, ut ibi explicuimus. Est autem Δακτύλιος vox Attica, ut plures aliae in Hippocrate, & idem est ac διωσέλιον, diducens, aperiens, ut exponit Hesychius: inde apud Aristophanem Equitibus, Act. V. S. 2. extrema: καταδακτυλικός in χολ. explicatur per συνσπαστικὸν καὶ ἑδακτυλὶς & πρακτῆς, h. e. qui hesternae coenae occurrit, ut Satyricus loquitur; sed praeferat de infanda hac obscenitate penitus tacere. Sumitur quoque vox ista δακτύλιος, pro annulo, ut notum, quod ille ambiat quasi & constringat digitum. Verum jam non in hoc sed alio circulo,

NOSTRI COMMENTARII

ESTO

F I N I S.

